



Wantok



Namba 2030 Julai 25 - 31, 2013 28 pes

Niuspepa Bilong Yumi Ol PNG Stret!

K1 tasol

Insait

Ol memba noken paulim pablik mani: PM -P3



Salim tok gutbai long Leit Joe Kanekane-P6



Kaugere Living Lait Foaskwea Gospel selebret-p14,15



Tok gutbai

OL opisa bilong Koreksenal Sevis i karim kofin bilong Leit Joe Roger Kanekane, Dairekta bilong Loa na Jastis Sekta Sekreteriet i kam aut long Sen Josep Haus lotu bihainim misa bilong en long Mosbi asde. Leit Kanekane i bin wanpela niusman wantaim Wantok Niuspepa. Em i bin wanpela strongpela midia lida olsem Presiden bilong Midia Kaunsil bilong PNG, na planti niusmanmeri, NGO, na gavman lida i bin kamap long tok gutbai long em long Mosbi. *Poto: Nicky Bernard. Ritim moa stori long leit Joe Kanekane - pes 7*

Nupela Prins!

Lukim pes 12 long moa stori...

NAMBA wan bebi bilong Prins William na meri bilong em Catherine, i bin soim pes dispela wik long Tunde, taim papa na mama bilong en i lusim haus sik na kisim em i go long haus. Bebi Prins bilong tupela nau i kamap namba tri long lain bilong kamap King, bihainim papa bilong em William, na Tumbuna man bilong em, Prins Charles. (AAP Images)



KISIM NIUELA 3G HUAWEI MEDIAPAD LITE

Bai ikam wantaim wanpla mun FRI Data Pass (500MB) wantaim FRI SIM



HUAWEI MEDIAPAD LITE

K449

Stocks bai istap lo liklik taim tasol! Kisim now lo ol retail stoa na ol authorized dealers.

Digicel

3G DIGICELPNG.COM



Homstail Irish Stew

Swit moa!!



Gavman tim bai banisim rot bilong yusim pablik mani

Stanley Nondol i raitim

BIKPELA milian kina bilong pablik mani i wok long lus long pasin korapsen na Fainens Minista James Marape i tok gavman bai putim wanpela tim long go pas na lukautim rot bilong yusim pablik mani na tu bikpela senis bai kamap long rot bilong aplai long kisim pablik mani long ol projek.

Mista Marape tok long planti yia igo pinis bikpela pablik mani i lus long pasin korapsen we lukim planti giaman proposal go long dipatmen bilong Nesenel planning na Fainens na Trsari na tu long ol ara-

pela dipatmen na taim mani go aut wok developmen ino kamap.

Minista Marape i mekim dispela toktok bihain long wanpela ripot bilong Komyuniti Developmen we Nesenel Plening minista Charles Abel i tebolim long palamen soim olsem K130 milian bilong sios i lus long apasin korapsen.

Planti memba bilong palamen i tokaut olsem, nem bilong distrik bilong ol stap long ripot bilong Komyuniti Developmen na tu long lus bilong K528 milian bilong NADP tasol ol tok ol nogat luksave long ol projek nem we stap long ripot na tok wok painim mas kamap long dispela long painimaut husat tru

stilim bikpela milian pablik mani.

Mista Marape husat em memba bilong Tari Pori tokaut olsem long lis bilong NADP K900,000 go long wanpela praivet kampani long i taim em stap Fainens minister tasol em tok em no save husat tru i kisim dispela mani na nogat wanpela projek tu kamap long Tari long sapatim wok agrikalsa.

Minista Marape tok gavman bai setim wanpela tim long bai banisim gut rot bilong yusim pablik mani na tu dispela tim bai go long distrik na provins na bai ripot bek long gavman wanem wok kamap long ol dispela mani.

Minista Marape tok long daunim

ol kain korap pasin, projek pepa bai gat luksave bilong JDPBPC na siaman na taim gavman givim tokorait mani tu bai go long distrik akaun na wok bai kamap stret.

Memba bilong Tari Pori tok bikpela milian kina lus bikos ol kon konsaltan stap long Mosbi na lukim dua bilong stil I op na ol bin salim projek proposal go stret long Nesenel Plening, Fainens, na Tresari na distrik na provins i no bin luksave na wantaim halivim bilong ol jorap pablik seven long ol dispela dipatmen, bikpela milian kina go long nem bilong developmen na lus long ahan bilong stil lain.

Minista Marape tok dispela taim

bai hat na gavman nau save long kain pasin bilong stil na bai nonap tru long peim mani go sau stret long nem bilong kampani o projek konsaltan.

Planti memba bilong palmen tok ol seim lain husat save logng rot bilong stil save karim laptop na stap long Mosbi na raitim projek proposal na kisim mani long NADP. Nesenel Plening na planti hap we agavman putim long developmen.

Minista Marape tok dispela lain save gut tru bikos nogat wanpela bodi stap long putim was long rot bilong givim mani na tu long monitarim projek eria.

Oposisen askim sapos BSP em independen long wok bisnis

Stanley Nondol i raitim

OPOSISEN i askim strongplela kwesten sapos BSP benk i trutru independen long wok bisnis bilong em long kantri.

Strongpela man bilong Oposisen na memba bilong Kundiawa Gem-bogel Tobias Kulang i askim dispela long BSP benk i no mekim wanpela toktok long sait bilong bikpela milian kina sek we oposisen toktok long palamen olsem moa long K70 milian Fainens dipatmeni peim go

long wanpela loa Fem kampani long kantri.

Mista Kulang i tok dispela bikpela milian we go long loa kampani em karim tok orait pepa we i gat bikpela tok win olsem Praim Minister Peter O'Neill i bin sainim na BSP benk bin mekim kllarens long sem de.

Mista Kulang tok bilong wanem na BSP benk i no tok klia sapos dispela tok orait pepe i kam long praim minista o nogat.

Benk bin kolim opis bilong praim

minister na sekim sapos Mista O'Neill trutru bin sainim tok orait pepa long dispela bikpela milian kina long benk bai prosesim na klairim long sem de, o nogat, dispela em askim Mista Kulang tok BSP mas tok klia.

Mista Kulang tok sapos benk i no mekim olsem em asua aninit long Kriminal Ekt na rot bilong klairim ol sek mani.

Mista Kulang tok dispela kain trensekse i kamapim kwesten long benk i halivim long movim

bikpela mani long rot i no stret.

Mista Kulang i tok benk i mas tokim dispela klia long ol seholda bilong IPBC na ol kastoma sapos dispela trensekse bilong K70 milian bin gat luksave bilong BSP bod na benk bin kisim tok orait olsem tok orait pepa karim trutru signet bilong praim minister Peter O'Neill.

Mista Kulang em husat em akaunten na tu bin stap menesing darekta bilong Maikro benk, i tok em save long wanem samting em askim na tok benk mas tok kilia

long pablik sapos nogat ol bod bilong benk gat releisensip wantaim praim minister.

Mista Kulang singaut long ol pablik mas save olsem PNGBC benk bin pinis na ol aset BSP baim long liklik veliu na tok saveo lsem ol seholda mas save olsem hsaut bin go pas na makim veliu bilong aste kam daunbilo tru em ol stap nau yet.

Mista Kulang tu singat long Sentral benk olsem lukautim ron bilong komesel benk long putim was gut long ol sampela kain pasin.

Polis Kilim dai William Kapris

BIKPELA nem stil man long kantri, William Kapris, em polis kilim dai long dispela wik Mande long ples Doa long Sentrel provins.

Polis long Mosbi bihain long kisim sampela infomesen bin go aut long Doa na William Kapris wantaim narapela stil man tupela wantaim bin ronawe long Bomana haus kalabus Raphael Walamini laik ronawe go stap hait long hap tasol polis sutim tupela wantaim dai bihain long ol bin sut go kam long gun.

Kapris i gat nem long mekim benk roberi, kilim man dai, reipim meri na save ronawe long haus kalabus planti taim.

Kapris i ronawe wantaim narapela poro stil man bilong em Raphael Walamini long Mun April 2013 long Bomana haus kalabus na bin stap hait long 3-pela mun olgeta.

Polis bin putim K100,000 long husat halivim holim pasim Kapris na Walamini bai kisim na longpela stori bilong Kapris na polis na woda save tingting planti long em na save painim em raun i pinis long Mande dispela wik taim

polis kilim em dai na nau bodi stap long Mosi Haus sik mog.

Faipwela lain husat go wantaim Kapris na Walamini em polis holim pasim ol na nau stap long polis sel long Boroko Pot Mosbi.

Namel long ol em tupela meri wantaim wanpela Difens Fos soldia.

Nogat wanpela polis opisa i bin kisim bagarap long dispela sutaut wantaim Kapris na Walamini long Gabadi na Doa long Sentrel provins.

Dispela ronawe bilong Kapris wantaim ol lain bilong em lukim CIS komisina Martin Balthazar bin tokim ol meri woda long noken mekim paul pasin wantaim kalabus man bihain long Kapris i tokaut olsem em bin mekim paul pasin wantaim woda meri planti taim insait long haus kalabus long toilet.

Bihain long kilim dai bilong Kapris na Walamini, Polis Komisina Tom Kulunga long aste i tokaut long midia olsem em bin

kisim infomesen olsem Kapris wantaim Walimini bai go long wanpela waitpela toyota land krusa llong Hiritano Haiwe.

Kulunga Tok em kwiktait tru na salim polis go long haiwe na bin stopim Kapris wantaim Walamini tasol tupela ino bin stop na draiv i go yet.

Kulunga tok tupela ronawe man bin sut long ol polis na ol bin sut go bek long haiwe namel long kemp 48 na Gabadi ples na polis kilim tupela dai long Doa.

Kulunga i tok Kapris na Walimini bin stap hait long 3-pela mun bikos ol man bin hekpim tupela long stap hait.

Mista Kulunga i tok wok painim wok long kamap yet long dispela ronwe na hait bilong tupela stil man na husat lain bin helipm Kapris na Walimini long stap hait tu bai kisim mekim save bilong loa.

Kapris na Walimini bin stap long kalabus long sas bilong, reip, meda, am roberi, na dispela ron we bilong tupela kamapim bikpela stori tru long kantri na polis na woda bin kisim taim long painim tupela.

PAPUA NEW GUINEA NATIONAL COMMISSION FOR UNESCO
Office of the Secretary
Condolence Message

On behalf of the National Commissioners, Senior Management and the Staff of the PNG National Commission for UNESCO, I would like to convey our deepest sympathies and condolences to the family, children and friends, as well as the extended family of the;

LATE JOE KANEKANE

Joe Kanekane played many colorful roles, and at the time of his death, he was the President of the PNG Media Council. Among the many aims of the UNESCO is one which deals with the freedom of the media, and in this regard, Joe Kanekane as President of the PNG Media Council in collaboration with the PNG National Commission for UNESCO played a leading role in advocating the freedom of the press through various UNESCO advocacy activities such as the World Press Freedom Day which is observed annually on the 3rd of MAY.

We bid our prayers in this time of mourning. May your soul rest in peace till we meet again.

*Psalms 116:15 "Precious in the sight of the Lord is the death of his saints".
John 11:15, Jesus said, I am the resurrection and the life, those who believe in me will live even though they die".*

May his Soul Rest in eternal Peace

Authorized by
YORI YEI
SECRETARY GENERAL

Ol memba noken paulim pablik mani: PM

Stanley Nondol i raitim

PRAIM Minista Peter O'Neill i givim bikpela salens long ol memba bilong palamen long noken paulim mani bilong sevis we gavman givim long mekim wok na tok gavman bilong em bai givim moa mani insait long 5-pela yia.

Praim minista tok gavman bilong em givim bikpela milian kina mani long mekim wok developmen long ol pipel bai kisim sevis na tok ol

memba bilong provins em ol bos bilong provins na distrik na tok ol mas yusim mani long stretpela we na givim sevis stret long ol pepel.

Mista O'Neill tok gavman bilong em long namba wan taim long PNG politikel histri i givim bikpela mani pinis long ol developmen eria long kantri pinis olsem edukesen helt na ol arapela infrstraksa na tok gavman bai givim moa long ol yia i kam na salensim ol lidas bilong distrik na provins long mekim onis wok na noken stil.

Praim Minista tok gavman bilong em long dispela yia i putim klostu long K2bilian bilong K13bilian baset bilong em long sapotim edukesen sekta long groa we em tok humen risos em bikpela prioriti bilong gavman bilong em.

Wantaim K2 bilian, gavman givim K500 milian long sapotim haia edukesen long kantri we lukim 7-pela yunivesiti long kantri bai kisim halivim long stretim ol infrastraksa developmen.

Mista O'Neill tok long namba wan

taim gavman bilong em bai givim K50 milian long wanwan distrik insait long 5-pela yia long DSIP long mekim wok developmen long wanwan distrik.

Mista O'Neill i tok K50m em bikpela mani tumas na tok ol memba bilong palamen mas yusim long stretpela rot long mekim wok developmen na mas noken paulim long pasin korapsen. Em tok gavman luk save olsem planti populesen stap long rurel ples na apim mani long baste long ol memba bai

mekim gut wok na givim sevis long ol pipel.

Memba bilong lalibu Pangia tok gavman bilong em nonap westim taim na wok long mekim planti gutpela desicen bilong kantri na givim bikpela mani na singaut long distrik administreta, provin sel administreta, na sekrteri bilong dipatmen wantaim memba bilong palamen long kamapim gutpela plan na yusim mani long gutpela rot na mekim wok developmen.

Palamen gat pawa long givim tok orait long tresari bil dinau

Stanley Nondol i raitim

TRESARI minister Don Polye tok klia olsem tresari bil (amendmen) we palamen pasim long las wik i givim pawa long palamen long givim tokorait na isuim tresari bil long lukim gud gavenens na transperensi.

Minista Polye tok klia moa olsem dispela bil i no givim pawa long em long isuim tresari bil wantaim nogat tokorait bilong palamen, em tok bil givim pawa long palamen long givim tok orait na isuim tresari bil.

Minista Polye tok bin i gat sampela paul bin kamap long dispela bil we em tok K300 milian bilong Nasfund limited we pastaim gavman i kamapim long Kokopo Infratraksa bil i bin lus long pasin korapsen.

Mista Polye tok balens bilong dispela K300milian bai go bek long gavman.

Risin bilong dispela bil em long Tresari minista long isuim tresari bil mas gat tok klia long wanem as mas stap.

Bil tok klia olsem minista bilong Tresari ken isuim tresari bil wantaim aprovel bilong palamen.

Moa long en Minista Polye bai kisim go long palamen long kamapim senis bilong seksen 2 bilong Tre-

sari bil ekt long isuim tresari bil em long tri-pela as.

1. Bai tok klia long autoriti bilong borowim mani;

Em mobeta long putim banis long pawa bilong dinau we bai tok klia long ekt long mas bihainim wantaim konstitusen aninit long seksen 209 we em tok givim tok orait long mani o autoriti bai kam long palamen.

2. Tok klia long as bilong dinau

Long banisim risk na paul pasin bilong fan;

Tresari minista bai banisim na putim restriksen long dinau mani bilong tresari bil long pepa na bai tok klia long as bilong givim dinau mani aut na long pepa tu minister bai tok klia long wanem as em bai isuim tresari bil.

3. Minista bilong Tresari bai tok klia long mining bilong dinau bilong isuim tresari bil.

Dinau mani we gavman givim em tok long lon o dinau agrimen o dinau sekyuriti bilong tresari bil bai minista i isuim wantaim tok orait bilong palamen.

Tresari Minista i mekim dispela tok klia long wiken bihain long palmen las wik passim tresari bilong we Minista Don Polye tebolim long palamen.

wantok moni

Send money to Anyone, Anytime Anywhere



Have you received Wantok Moni?

1 To Accept Wantok Moni

1. Dial *131#
2. If you are a new user, you will be asked to create and enter a 4-digit Personal Identification Number (PIN)
3. If you're an existing user, you will be asked to enter your 4-digit PIN (this is different from the SEND CODE)
4. Reply 1 to "Accept Wantok Moni"
5. Enter the Sender's SEND CODE plus the SEND CODE that you generated

2 To generate a Wantok Moni Withdrawal Code

1. Dial *131#
2. Enter your 4-digit PIN
3. Reply 2 to "Withdraw Wantok Moni"
4. Reply 1 to "Generate Code"
5. You will receive a response containing your WITHDRAWAL CODE



Anyone, Anytime, Anywhere!

320 1212 / 7030 1212

servicebsp@bsp.com.pg

www.bsp.com.pg



Official Sponsor of the 2015 Pacific Games

Holim pasim stilman

Bustin Anzu i raitim

POLIS i holim pasim 5-pela husait i kilim wanpela polisman long Alotau, Milen Be long las wik.

Na dispela i kamap insait long tupela wik bilong mekim wok painim aut.

Wanpela bilong ol dispela trabelman em wanpela long taim stilman we polisman i save painim hat long holim pasim em long ol trabel we em save kamapim.

Bos bilong polis long Sauten Rijen na Asisten Komisina bilong Polis o ACP (Assistant Commissioner of Police) Allen Kundi i tok

nau yet, wanpela stilman tasol i stap aut na ol i save long em na klostu taim bai ol i kisim em long dai bilong trening polisman Konstabel David Opa.

"Mipela i holim pasim pinis faivpela raskolman long dai bilong Opa long Alotau long wanpela fotnait i go pinis. Tupela long Alotau na narapela tripela long Pot Mosbi bihain long ol i kisim balus na kam long bikpela siti," em i tok.

Kundi i tok ol polisman bilong Milne Be Provins i ting olsem ol dispela stilman bai brukim bus i go long Sentrol Provins na bihain kisim kar igo long siti.

Tasol ol i giamanaim ol na kisim

balus i go long bikpela ples we ol polis i was long ol na holim ol.

Ring lida bilong dispela grup, Tommy Meava Baker, hapkas Milne Be na Galp provins em i bin sanap wantaim narapela tupela wan trabel bilong em long Vision City long Pot Mosbi na polis i holim pasim ol na lokim ol long Gordon Polis Stesin.

Dispela ol stilman i bin kamapim dai bilong yangpela David Opa, husait i bihainim ol igo wantaim narapela risevis polisman.

Kundi i tokim *Wantok Niuspepa* olsem ol dispela raskolman i bin stilim sampela bikpela mani long

Alotau Entaprais Sevis Stesin na ronowe go olsem long Aioma.

Ol i go na putim kar bilong ol na wet I stap na taim dispela tupela polisman go kamap, suitm tupela, we Opa i dai na narapela igo long hausik.

Kundi i tok amamas bilong em igo long ol wokman bilong em long Alotau na Gordon wantaim long mekim bikpela wok long holimpasim ol stilman.

Long wankain taim, em i wanbel tasol long ol gutpela manmeri bilong Alotau long givim gutpela infomesen long Holim ol stilman.

"Ol pablik i sapotim mipela gut

wantaim ol infomesen long ol raskol i stap long long wanem hap insait long Alotau. Ol ino laikim dispela kain nem nogut long ples bilong ol na ol i stap klostu na sapotim ol.

Long las wik yet, bodi bilong let Opa i kam long Pot Mosbi Funeral Hom na Funeral Sevis i bin kamap long Bomana Polis Koles long Fraide na bodi igo long ples bilong em long Kaupena, Imbonggu distrik, Sauten Hailan Provins.

Komanda Kundi i tok nau yet wanpela raskolman tasol i stap aut yet na ol lain bilong em i kisim was i stap.

Daru Haus sik na Wol Visen kisim mani helpim

DARU Jenerel Haus sik na Wol Visen i ken skruim wok long karimaut ol wok long daunim sik TB long Westen provins wantaim mani sapot bilong Gavana Ati Wabiro.

Long las wik, Gavana Wabiro i bin givim K2.3 milian i go long Daru Jenerel Haus sik, na K200,000 long Wol Visen bilong karimaut ol TB progrem long Saut na Midel Flai distrik.

Wol Visen opis long Pot Mosbi i tok dispela man i sapot i gutpela tru, moa yet, bihain long ol i bin opim nupela TB wod long Daru Jenerel Haus sik long tupela wik i go pinis.

Ekting Sif Eksekutiv Opisa bilong Daru Jenerel Haus sik, Sister Martin Joseph i givim tok tenkyu i go long Gavana Wabiro na tok ol mani bilong progrem insait long Daru Jenerel Haus sik i pinis na dispela kontribusen bai helpim stret haus sik long wok bilong em olgeta de long sevim ol laip.

Fanding sapot i go long Wol Visen i

bihainimn disisen bilong kamapimn gut TB sevis long provins na ol bai yusim mani ya long karimaut ol autris bilong sik TB progrem long provins.

TB Projek menesa long provins, Alma Acub, i tok Wol Visen i wok strong long inapim misin bilong en, na dispela em long wok wantaim ol pikinini, ol famili na ol komyuniti long olgeta hap bilong graun long edresim as bilong poveti o pasin turangu, na injastis o pasin bilong daunim narapela.

Em bin tokim Gavana Wabiro olsem Wol Visen i save lukautim gut mani, na em bai yusim gut dispela mani long kisim TV sevis i go long ol pipel bilong em.

Mista Wabiro i bin strongim ol haus sik wokman meri long wok gut na kisim ol helt sevis i go aut long pipel long provins.

Em bin tok moa olsem moa gutpela samting bai kamap long provins bikos long dispela kain helpim.

Pablik Sevis i slek

Bustin Anzu i raitim

OL pablik sevis bilong Morobe Provinsel Gavman i slek na ino save long mekim wok bilong ol na sapos em i gat we bilong em, em Bai rausim ol long wok.

Gavena bilong Morobe Provins Kelly Narru i tok ol wokman meri bilong em i slek na planti wok ino go het olsem em i tingling long en. Na planti wok ino kamap yet.

Em i tok planti ol developmen baset bilong ol long Provins ino kamap na em ino save olsem wanem bai ol wok developmen insait long nainpela distrik bai kamap long sevim ol pipol bilong em.

"Planti ol driman tingting bilong mi insait long provins ino go het long wanem ol Pablik Sevis insait long provins ino wok. Ol developmen baset bilong ol dis-

trik ino kamap long putim long baset bilong ol.

"Ol manmeri husait bai mekim wok i slek na ino putim dispela plen. Na dispela bagarapim ol plen bilong em long kirapim Provins," em i tokim ol niuslain long las wik.

Em i tok tu olsem planti sevis ino go long ol ples long wanem ol manmeri husait bai stap na kisim sevis i slek long mekim wok.

Em i tok em igat tingting long rausim ol long wok na kisim ol nupela wokman meri husait Bai mekim wok.

Gavana i tok em bai stat long opis bilong em yet na igo daun long distrik administreta long wanwan distrik level.

Long wankain taim, em ino amamas long Morobe Provinsel Administresen long wokim rikutmen long kisim ol nupela

manmeri long wok. Dispela pasin ol i mekim em i rong.

"Ol i a abrusim mak long wanem, long mun Mas long dispela yia, Provinsel Eksekutiv Kaunsel o PEC (Provincial Executive Council) i kamapim wanpela risolusen olsem ol bai ino inap wokim rikutmen. Tasol Provinsel Administreta i sakim tok na go het wantaim dispela," em i tok.

Em i tok olsem em bai toktok wantaim Minista bilong Pablik Sevis Dr. Puka Temu na stopim dispela na kisim wanpela gutpela na eksperien Human Risos kampani long mekim dispela wok rikutmen.

Em i tok dispela kain rikutmen ol i laik mekim nau em long kisim ol lain bilong ol yet, wantok, save pes na pren bilong ol yet na ino ol lain bilong wok stret.

Sialum Kau kisim taim, nogat sibris

Bustin Anzu i raitim

SIALUM Kau Asosiesen (Sialum Cattle Association) i gat bikpela wari nau yet olsem wok bilong lukautim Kau bilong maket bai kisim bikpela hevi. Nogat gutpela rot na ples bilong salim em pasim dispela bisnis.

Presiden Steve Farhall i tok rot bilong salim Kau igo long Lae em wanpela bikpela hevi bilong ol.

"Mipela i kisim bikpela taim long kisim ol Kau igo long Lae. Rot em wanpela hatpela samting long Sialum. Nogat gutpela sibris long Sialum long rausim ol Kau bilong salim. Mipela i kisim

taim na sapos nogat wanpela luksave, ol bai pasim," em i tok.

Sialum em i stap insait long Tewai-Siassi lilektoret na memba bilong ol em Mao Zemling, husait em Minista bilong Fiseri na namba tu pati lida bilong Pipol's Nesinol Kongres o PNC (People's National Congress).

Sialum igat nem long lukautim bulmakau long ples bilong ol we i save kamapim ol gutpela gris bulmakau na em i gutpela long salim igo aut long kantri. Samting olsem 50-pela Kau fama i stap na save lukautim moa long 5, 000 bulmakau.

Namel long 2000 na 2006, ol i salim ol bul-

makau bilong Sialum igo long Philippines.

Bulmakau bisnis em wanpela rot tasol long kisim mani na sapos ol i painim hat long salim, dispela bisnis bilong ol bai stop na ol bai kisim taim.

Presiden Farhall i tok ol lain bilong em long Sialum i ken lukautim ol gutpela bulmakau bilong salim sapos i gat gutpela rot sistem i stap.

Em i tok gavman i gat tingting long wokim rot long Finschhafen na igo long Lae tasol bris bilong Wara Buso i sloim dispela wok.

Presiden i tok tu olsem wei bilong Sialum igo long Lae i

hat. Ol save go long Wasu o Finschhafen tasol i gat ol wara i save mekim hat gen.

Em i tok tu olsem ol manmeri bilong Sialum i laikim olsem hevi bilong lo na oda mas stop na ol i ken skruim wok bilong lukautim bulmakau.

Ol i poret nogut ol i bungim hevi long ol han bilong ol birua.

Farhall i tok ol bulmakau fama bilong em long Sialum i laikim gavman long stretim dispela Rot bilong salim ol bulmakau bilong ol na tu, mas painim maket bilong ol long Lae na narapela hap ples insait long Papua Niugini.



HELPIM : Sister Joseph, Mis Acub na Gavana Wabiro bihain long ol bin kisim sekmani. *Poto: Wol Visen*

Gutpela lidaman i dai

MAN bilong mekim wok, hatwok, strongpela lida na praut olsem em i bilong PNG em kain man nau i dai Joe Kanekane.

Dispela em ol toktok we planti bikman i bin mekim long funerel sevis bilong Mista Kanekane, i bin kamap long Sen Joseph's Katolik Haus lotu long Pot Mosbi aste, Trinde Julai 22, 2030.

Mista Kanekane i gat 44 krisman bilong ples Kowangil long Imbonggu Dis-

trik bilong Sauten Hailans provins na em i gat tripela meri na 7-pela pikinini.

Em bin Dairekta bilong Loa na Jastis Sekta, Presiden bilong PNG Mldia Kaunsel na siaman bilong planti ol narapela ogenaisesen.

"Joe Kanekane em i narakain man stret, i gat bikpela save na em i pikinini PNG stret na dispela i bin kamap long ples klia long ol wok em bin mekim long planti ogenaisesen.

Sauten Hailans Provins bai kisim Redio Maria

... Awesa sapatim wantaim K100, 000

OL KATOLIK pipel long Om-bonngu na ol narapela hap bilong Sauten Hailans bai harim na kisim Redio Maria em Katolik Volantia redio we i save promotim ol Kristen Velyu na ol Katolik bilip.

Dispela bai kamap bikos long gutpela sapat bilong Membra bilong Imbonngu na Woks Minista, Francis Awesa husat i givim K100,000 long karimaut ol wok long kisim signal na netwok i go long eria na provins.

Minista Awesa i kisim dispela mani long Distrik Sapat Impruvmen Progrem (DSIP) bilong em na em i givim i go long Mendi Katolik Sios bilong karimaut ol wok long lonsim Redio Maria netwok long eria.

Dairekta bilong Redio Maria, Pater Paul Kote i tok ol bai yusim dispela mani long mekim ol wok long Redio Maria na ol pipel i ken harim long Imbonngu eria, ples na long olgeta hap bilong Sauten Hailans provins.

Em i tok dispela i gutpela bikos netwok bai strongim Katolik bilip i go long pipel na tu, promotim komyuniti

divelopmen.

Em i tok ol lain i harim redio netwok i ken kontributim ol tingting bilong ol tu.

Redio netwok em i wan-pela Katolik Volantia Oge-naisesen na em i stap bikos long ol Katolik bilip man-meri.

Em no save kisim Advataising long helpim em i mekim mani na stesen bai operet olsem ol narapela redio stesen, nogat.


Minista Awesa i tok Redio netwok i givim ol sevis olsem nius infomesen, awenes na i promotim Kris-ten bilip long ilektoret bilong em, na long olgeta hap bi-long provins.

David Kuna bilong Redio Maria i tok ol i kisim pinis mani i kam long Katolik Sios long Mendi.

Em i tok tupela tekniken bai kam long kantri Itali long putim ol masin bilong kisim signal bilong redio long ol ples we ol i makim long Mendi na Nipa Distrik.

Na dispela, tok, i gutpela nius long planti Katolik man-meri long provins.

Narapela sios redio netwok i stap pinis long provins em Wantok Redio Lait.



Edukesen i opim dua long ol pipel na tingting bilong ol tu. Em i kamapim progres na gutpela sindaun na i stiaim ol komyuniti i go long rot bilong kamapim gutpela sindaun.

Long PNG LNG Projek, edukesen i karamapim ol ki fokus eria bilong mipela long komyuniti divelopmen. Mipela i givim sapat long planti rot, olsem trening bilong ol wokmanmeri bilong mipela- we mipela i givim 1.7 milien aua long trening i kam inap nau - na long invesmen insait long ol komyuniti edukesen institusen na ol progrem.

Long kolum bilong tude, mi laik toktok long dispela samting - sapat bilong mipela long edukesen insait long Projek eria.

Wanpela bikpela invesmen bilong mipela long dispela ya em long givim 1.2 milien Kina long apgredim faivpela skul long hailans. Wan wan bilong ol dispela skul i gat ol papamama, skul bod na komyuniti husat i save wok strong, ol dispela samting i impoten long kamapim gutpela skul. Wok i kamap nau long ol dispela faivpela praimer skul long apgredim ol klasrum na ol arapela samting bilong ol studen. Long dispela wok bai 750 skul pikinini long dispela eria i kisim gutpela na seif samting - na bai ol inap long lainim gut ol samting bikos long dispela helpim.

Wanpela salens planti skul i bungim em ol i sot long ol samting olsem ol desk na buk. I hatwok tru long ol tisa long skulim ol pikinini sapos i no gat ol teks buk, o long ol pikinini i lainim samting sapos i no gat buk long rait. Mipela i givim kontrak long ol lenona kampani long wokim ol desk na mipela i givimaut moa long 1300 desk em ol i wokim hia i go long ol skul long Projek eria, na long hap bilong Hailans Haiwe tu.

Na tu, mipela i givimaut ol buk bilong rit na trening long wok bilong laibreri i go long ol skul na ol tisa, long wokbung wantaim University of Papua New Guinea Bookshop "Box of Books" progrem we ol studen i ken kisim ol teks buk. Wantaim ol teks buk, mipela i gat ol stori buk bilong helpim ol Papua Niugini pikinini i laikim pasin bilong rit na skruim save bilong ol. Ol Toea buk seris bilong mipela i win tru, na ol pikinini i laik tru long ritim stori bilong yangpela Papua Niugini manki nem bilong em Toea husat i raun long kantri na lainim long ol kain kain kalsa insait long PNG.

Ol wokmanmeri bilong mipela i go bek tu long skul, long helpim ol narapela lain. Long "Science Ambassador Program" mipela i wokbung wantaim ol skul na kirapim tingting bilong ol studen long laikim saiens na mets.

Long helpim dispela wok, mipela i kisim ol nupela saiens tising kit i go long ol skul - na ol saientis na ensinia bilong mipela i givim taim long skulim ol studen long tripela samting: Rocks and Geology, Chemicals, na Origins of Oil. Mipela i mekim pasin bilong skulim ol studen na helpim save bilong ol long saiens i kamap isi.

Eksampel, long Origins of Oil and Gas kit, ol pikinini i lukim na holim ol bun blon ol enamel na diwai na kisim save long olsem wanem ol dispela samting i kamapim petroleum. Ol prektikel eksesais i helpim ol studen long toktok long seif pasin bilong wok wantaim ges na oil na i helpim ol long save moa long wok bilong indastri.

Long dispela Science Ambassador Program mipela i ting bai mipela i helpim ol studen long save moa long saiens na mets, na kirapim tingting bilong ol long wok long ol eria olsem ensinering.

Mipela lukim edukesen olsem wanpela bikpela samting na bai mipela i gobet yet long sapatim edukesen long Papua Niugini.

Olsem mipela i tok pinis, welkam long salim tingting bilong yu long dispela kolum. Bai mipela traim long bekim olgeta askim, olsem na plis salim email long pnglngproject@exxonmobil.com.

Gutpela de.



WOKS MINISTA: Francis Awesa

BEYOND BOUNDARIES SUNDAY, 6PM - 6.30PM

Topic of the week:

**The Asylum Seekers Agreement
between Australia & Papua New Guinea**



FM100
PNG's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINGUMA 107.1	PALMAMAL 100.6	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



Ol olupela wokmanmeri bilong Word Publishing Company i salim Tok Sori long **Leit Joe Roger Kanekane**

Brata Joe,
Tupela wik igo pinis mi lukim yu draivim kar bilong yu na mi tro-moi han long yu..Tude mi no inap bilip yu slip i stap malolo long han bilong Bikman..Bai mi misim yu tru long olgeta samting yumi yu mekim long mi na femili bilong mi... *Taim bilong Malolo bro!*
Fada Jada



Joe is a colleague, brother and friend who became a great aspiring, committed and vibrant young leader destined for higher heights, but did not forget his roots, one of which is the *Word Publishing, Wantok Family*. The literary world in PNG, an area which I also hold dear, will miss your expertise. It was great working with you, and still keeping in touch, even after you had exited from Wantok.
Condolence to your family in this time of grief. Adios my good brother and eternal rest with the Maker above.
You will be greatly missed by all who knew you.
Veronica Hatutasi



He was more than a colleague but a true brother, friend and leader. I will truly miss him.
From Kasi Rei and Mama H.
Helen Rei

Joe,
Was a pleasure working with you.
God gives life and God takes away life, at his own time and according to his own plan.
May you rest in eternal peace.
Ruth Waram

Joe, Rest in Peace.
William Natera

Thanks for the memories – my SECOND CHANCE
May your soul REST IN PEACE–
Henry Morabang (Word Publishing 1998-2003)



A person who always welcomed anyone with his cheerfulness and made them feel at home. Rest in peace. **Ivan Bayagau.**



Brata Joe Kanekane, bai mipela i misim yu long Word Publishing Company long ol yia ia kam bihain!!

Late Joe joined Word/ Times of PNG in 1994. A young energetic reporter on the news desk who showed a lot of maturity in his work, very committed and dedicated. He always wanted to rise and became manager- Marketing and Distributions. He became a senior /investigative reporter with The Times of PNG and later, with The Independent. He was awarded the Asia/Pacific Investigative Journalist of the Year, 2002. He trained and encouraged many other young journalists. When The Independent phased out in 2003 and some staff were made redundant, Joe left and joined the Law and Justice Sector, but still wrote stories and contributed to the PNG Media. He is one of the best hardworking, committed investigative journalists in PNG, who loved being a journo. His expertise and his personality will be greatly missed. A true brother you are.
May you rest in peace - Yakam Kelo



Joe Kanekane wantaim Word Publishing tim long 1998...

Joe Roger Kanekane – rait man bilong Loa na Jastis sekta!

Anna Solomon i raitim

LONG taim wanpela pren i dai, em i no isi long stori long laip bilong em. Yu bai gat stori bilong yu yet na narapela man bai gat stori bilong em tu, bikos yumi wan wan i lukim wanpela liklik hap tasol long laip bilong em.

Mi bin pilim olsem long taim Wantok i askim mi long raitim stori bilong Joe Roger Kanekane husat i bin dai las wik, Julai 14. Em i gat 44 krismas tasol na i wok olsem Dairekta bilong Loa na Jastis Sekreteriat long Mosbi. Tasol bipo, em i bin wanpela nius ripota long Word Publishing, mama kampani bilong Wantok Niuspepa.

Mi bin bungim Joe Roger Kanekane long 1993 samting long taim em i pinisim skul long yunivesiti long Pot Mosbi na i wok long painim wok raun long siti.

Em i save raitim ol stori bilong ragbi na karim i kam long ol niuspepa bilong Word Publishing. Ol stori em i raitim tu i no bilong ol big nem tim bilong Pot Mosbi ragbi lig, nogat. Em i save raun long olgeta kona bilong siti na kisim stori bilong ol grasrut tim i pilai long Unagi lig o long Morata o Hohola. Joe i bilip olsem i gat planti pipel husat i nogat nem bikos ol nius ripota i nogat taim long raun na kisim stori bilong ol.

Trupela toktok bilong Joe bikos long taim mi kisim em i kam wok long Word Publishing, mi lukim dispela pasin bilong em long go aut na painim nius, stori wantaim pipel, kamapim pren namel long niuspepa wantaim ol grasrut man na meri na wantaim ol pikinini tu. Em i wanpela man bilong toktok na kain tok pisin bilong em i save pulim planti pren tru.

Joe i bilong ples Kowangil long Imbonngu, lalibu long Saten Hailans provins. Tasol mama i bin karim em long Maprik, Is Sepik long Septemba 9, 1968 we papa bilong em i wanpela woda long Maprik CSI. Olsem na Joe i save tok pilai wantam mipela olsem em tu i wanpela PS (pikinini Sepik).

Laip bilong Joe olsem pikinini bilong wanpela woda i bin strongim laik bilong em long helpim wok bilong loa na oda. Na tu, long stretim sindaun bilong ol woda na ol arapela wokmanmeri bilong lo na jastis sekta. Em i soim dispela bihain long em i lusim niuspepa na i go wok wantaim Loa na Jastis Sekreteriat.



Joe Kanekane sanap long las stret baksait long hankais...Grup poto long 1998 wantaim olupela Jeneral Menesa, Anna Solomon.

Long taim Joe i wok long Word Publishing, em i save raitim ol stori long Wantok na long Inglis niuspepa, The Independent. Em i wanpela yangpela man husat i soim olsem em bai kamap lida long wanem kain wok em i mekim. Insait long niusrum em i wanpela ripota husat i abrusim pasin bilong spak na lusim wok o kirapim kros na mekim nabaut long pablik. Em i no save smok o kaikai buai. Long taim em i go aut long kisim nius, em bai mekim stret wok na lukautim ol narapela ripota na bringim ol i kam bek long opis.

Joe i kamap wanpela gutpela rol model bilong ol arapela yangpela man na meri ripota tu. Long taim em i kam long wok, bai em i dresap gut tru.

Em i bihainim rul bilong kampani we i tok, "Yu mas dresap gut na kam long wok, nogut bai yu go intavium praim ministra tude."

Wok bilong raitim stori long niuspepa em i isi. Tasol bikpela wok bilong salim niuspepa i go long ol pablik em i narapela hatwok gen. Husat man o meri i bosim dispela seksen i mas save long maket na ol rot bilong grisim pipel long tromoi mani long baim niuspepa. Long taim sekulesen na maketing manesa bilong Word Publishing i risain, Joe i toksave olsem em i laik

traim dispela wok. Orait mi putim em i go long dispela seksen na bihain long tripela mun probesen em i kisim dispela wok.

Hatwok bilong em i lukim planti lain long Mosbi na ol provins i putim oda long salim ol niuspepa bilong Word Publishing.

Kampani i givim wanpela Hi Rider yutiliti long Joe long mekim wok bilong salim ol niuspepa. Na i no longtaim olgeta liklik pikinini long ol haus arere long rot long Rainbow we Joe i stap, i luksave long dispela ka.

Wanpela de mi go long sekap long ol haus bilong kampani na Joe i draivim mi go. Long taim mipela i tanim i go insait long strit, longwe yet ol pikinini i stat long singaut "Rait man! Rait man!" Mi kirap nogut na mi tanim lukluk long Joe, tasol em i smail na tromoi han long ol pikinini.

Long taim namba wan pikinini man bilong em tu i kamap bikpela, Joe i statim wanpela grup bilong ol Boy Scout long Rainbow na planti ol dispela pikinini i joinim. Ol i laki tru long dispela rait man i stap long rait ples long rait taim stret.

Joe i gat wanpela spesel gift long luksave long gutpela sait bilong husat man o meri em i bungim na stiaim ol long strongim gutpela sait bilong ol. Tupela wokman bilong

Wantok tude husat i kisim gutpela stia na helpim bilong Joe Kanekane em Nicky Bernard na Jada Wilson. Nicky i bin draiva bilong niuspepa na "Jack of all trades" tasol Joe i helpim em long traime kisim ol spot poto long wiken na nau Nicky i kamap wanpela trupela saveman bilong kisim ol poto na raitim stori tu.

Bipo long Joe i kamap nius ripota em i bin trening long kamap komyuniti skul tisa long Madang Tisa Koles.

Long wok tisa em i luksave olsem ol skul manki i sot long ol stori buk bilong PNG long helpim ol i kisim save long rit na tu, long save gut long laip stail bilong tude. Olsem na em i raitim sampela sotpela stori long wanpela buk bilong ol pikinini long gret 6 – 8 ol i kolim Fact or Fiction? Na narapela buk, The cuscus husband bilong ol gret 5.

Oxford University Press i bin pablisim ol dispela buk long 1997. Joe i bin askim Jada Wilson long droim ol piksa long dispela buk na nau Jada i gat nem tu long mekim ol kain droing olsem long ol arapela stori buk.

Mi bin ritaia long Word Publishing long 2002 tasol mi save harim stori bilong ol nius ripota na husat i stap yet wantaim kampani. Joe

Kanekane i lusim kampani na i go wok wantaim Lo na Jastis Sekta Sekreteriat na bihain em i kamap Presiden bilong Media Kaunsil bilong PNG. Long taim mipela i bung long stua o long Gordons maket bai em i askim mi long tok Motu, "ABS, oi namo o? Na mi save bekim, "Roger, lau namo sibona." Em wanpela tasol i save kolim mi ABS.

Long 2004 em i bin askim mi go toktok long wanpela woksop bilong jastis sekta long Kokopo.

Long taim mi sindaun harim ol toktok long dispela miting, mi luksave olsem Joe Kanekane i winim planti bilong mipela husat i save driman tasol long kamapim ol samting long laip.

Em tu i driman long wanem samting em i laik kamapim long laip, tasol em i strong na winim ol driman bilong em.

Joe Kanekane i lusim bikpela hanmak bilong em long ol wok em i bin holim long media indastri na long Loa na Jastis Sekreteriat. Planti pren na ol manmeri na pikinini husat i bungim dispela man bai gat stori bilong ol yet. Dispela em i liklik stori bilong mi long sotpela taim mi save long Joe Roger Kanekane.

Yumi pre bai God papa i ken marimari long sol bilong em na givim em malolo bilong oltaim.

NASFUND FM100 TALKBACK SHOW
MONDAY - FRIDAY, 9AM TO 12PM
 Participate and be heard on an open forum on National Radio

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINUPUTZ 100.8
AMBUUTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARHAM 100.5	MT. KAINGUMA 107.1	PALMALMAL 100.6	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LUHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Nick na Ruth Frani stap bun baksait bilong Living Lait Foaskea Gospel Sios

Taim LLFGC i stat long lotu olsem wanpela sios kongrigesen, Ruth na Nick Frani i save go long CLC sios long Waigani. Nau misineri Graham Baker long Madang i kam na kisim Pasto Bill Page na Corrie Page i go long Nick na Ruth Frani na askim tupela long lukautim tupela long statim wok bilong Foaskwea sios long Mosbi.

Taim kongrigesen i bin lusim haus bilong Pasto Bill Page na i go insait long Ela Beach intanesenel Skul, nau Ruth na Nick Frani wantaim ol pikinini i kisim rilis long CLC sios long Waigani na i kam bung wantaim Pasto Bill na ol arapela bilipman meri long hap. Ol i lotu long dispela hap i nap long 3 yia na memba namba i go bikipela tumas nau ol i stat long painim graun bilong wokim haus lotu.

Nau bikipela samting i kamap na long marimari bilong God wantaim gutpela bel bilong Let Asbisop Peter Kurongku bilong Katoli Asdaiosis bilong Pot Mosbi, Pasto Bill Page na ol sios lida bilong em i kisim graun long Kaugere.

Se Bill Sket i bin Gavana bilong NCD na Mista Jack Pidik olsem Siti



Nick na Ruth Frani helpim kirapim Foaskwea sios long Mosbi...

Menesa i bin givim gutpela sapat tru long sios bai kisim dispela olgeta graun long Kaugere nau Foaskwea sios i stap long en.

As Bisop Kurongku i harim olsem Let Bill Sket i wok long painim graun bilong givim long 4-Skwea sios na em i singautim em na i tokim em long hap graun bilong ka-

tolik sios long Kaugere we ol i no yusim yet.

Nau Pasto Bill Page i raitim let i go long NCD Menesa, Jack Pidik husat i putim dispela long han bilong ol kaunsel na ol i toktok long en i nap tok orait i kamap.

Long taim bilong aniverseri selesresen, Mista Jack Pidik na meri bi-

long em i bin kamap long Kaugere sios na em i stori liklik long we ol bilip lain i bin kisim graun. Em i tok, taim em i bringim pas bilong sios i go long las NCDC bot miting em ol pasto na sampela bilip man i wok long pre ausait long NCDC hall. Taim miting i pinis insait long opis na Mista Pidik i kam ausait em i harim ol lain i wok long pre na singsing i stap. Tasol taim ol i lukim em, ol i singaut, 'presim nem bilong Bikipela!'. Em olsem ol i kisim graun pinis.

Mista Nick Frani i bin wanpela bilong ol dispela lain husat i bin pre long kisim graun.

"Mi lukim i bin gat planti sios insait long Kaugere tasol long yia 80s na 90s, tupela hap setelmen ol man i save pret long go na stap em Kaugere na Morata tasol i nogat bikipela senis tumas. Mipela i kam na helpim ol lain long givim ol kaikai, klos na marasin, em ol samting bilong helpim ol long bodi em i soim tru laikim bilong God. Nau Kaugere em i senis tru na yu ken lukim ol kar i ron i go i kam long biknait," em i tok.

"Long nau na i go, wantaim helpim na marimari bilong God

tasol mipela i ken mekim moa bikipela samting tasol God i save lukluk long bel bilong man long mekim wok.

Em bai wok antap long bilip bilong mipela na bel bilong mipela long wok i no long save bilong mipela, maski wanem kain edukesen o skul mipela i gat.

God i no save lukluk long save bilong man, em i save lukluk long bel bilong man long amamas long mekim wok bilong em," em i tok moa.

Long narapela 20 yia i kam God bai mekim yet moa bikipela samting i winim wanem samting nau i kamap pinis. Wok bilong mipela em long kamap gutpela stuwot o man bilong lukautim gut samting bilong em na bilip na trastim em.

"Salens bilong mi long ol lida bilong sios olsem ol i mas lukautim gut samting God i putim long han bilong yumi nau, na bihain God i ken givim yumi moa long lukautim," Nick Frani i tok.

Nick Frani em i wanpela kaunsel memba bilong sios kaunsel na em i makim maus bilong sios kaunsel long bot bilong skul bilong sios em Living Lait Akademi.



National Capital District Commission

Office of the Governor Hon. Powes Parkop LLB, LLM, MP

CONGRATULATIONS



The NCD Governor, HON. POWES PARKOP LLB, LLM, MP on behalf of the board and management of the National Capital District Commission and the residents of Port Moresby City congratulate

**LIVING LIGHT FOURSQUARE
GOSPEL CHURCH-KAUGERE**



The NCDC and its people recognize and value the significant contribution you have made to the spiritual and physical well-being of the people and the development of the community.

We value your partnership in the overall development of our city and we look forward to its continuation for many more years to come.

NCDC looks forward to working closely with you for a safe, healthy and pleasant Port Moresby.

Helt sekta kisim K236 milian helpim long Australia

HELT sekta long dispela kantri na ol haus sik bai kisim bikpela sapot wantaim mani long gavman bilong Australia long helpim sevim ol laip bilong pipel.

Long raun bilong em i kam long PNG las wik, Praim Minista bilong Australia, Kevin Rudd, i tokaut olsem gavman bilong em bai givim moa long Aus\$160 milian o K236.47 milian insait long 4-pela yia inap long yia 2016 long lukim olsem moa long 2,700 haus sik, helt senta na etpos long PNG i gat inap marasin na tu, lukim olsem ol i tilim ol marasin i go aut long ol helt

senta long kantri.

Toktok i kam lon g opis bilong Praim Minista Rudd i tok dispela fanding bai sapotim tu ol wok long mekim gut na stretim ol rurel haus sik na helt senta a long Westen Hailans, Isten Hailans, Milne Be, Westen Provins na Bogenvil.

Ol dispela haus sik bai kisim mani long karimaut ol riha-bilitesen, stretim na mekim i go bikpela wok long ol trening skul na ol nesing, midwaif na ol narapela helt woka kolis long kantri.

Bikos populesen bilong PNG i wok long groa hariap, i nogat inap helt klinik na ol

haus sik long sevim bikpela mak bilong pipel na tu, long givim kwaliti sevis.

Tasol dispela fanding bai helpim long kamapim gut kwaliti long praimer i helt sevis.

Sapot bilong Australia bai helpim tu long wok bilong kisim ol nupela na yangpela woklain bikos planti woklain i lapin na ol i pinis long wok we i kam apim hevi long sot long ol save woklain.

Dispela sapot i kam aninit long Australia-PNG Patnasip bilong Developmen Pekes.

Long wankain taim, Gavman bilong Australia i givim

moa mani sapot i go long Manus Provins long sait bilong helpim helt na edukesen sevis.

Helpim bai lukim bilding bilong moa skul bilding na baim ol medikel ikwipmen na masin bilong ol haus sik na helt senta long provins.

Gavman bilong Australia na PNG i wok wantaim nau long Manus i kisim moa helpim long apgedim ol rot, kamapim gut ol skul na haus sik bilding, na sapot long ikonomik developmen long provins.

Long ol mun i kam, Loren-gau Haus sik bai kisim ol

medikel ikwipmen na aninit long tenda wok, ol i kisim pinis wanpela kampani long kamapim masta plen bilong stiaim ol lon g ol wok bilong haus sik long ol taim i kam.

Bosman bilong AusAID long PNG, Stuart Schaefer i bin raun i go long Manus klostu long pinis bilong las mun na toktok wantaim ol b ikman bilong Manus Provinsel Gavman long helpim we Australia i givim long helt, edukesen, ol infrastraksa, maket na moa.

Wok long bildim ol dabel klasrum, administretiv opis, ol haus tisa na ol toilet blok long

20 skul we Manus Provinsel gavman edministresen i makim bai stat long dispela mun.

Ol i makim pinis wanpela kampani bai kam apim wanpela masta plen long stiaim ol wok long haus sik long ol taim i kam.

Long wankain taim tu, ol bin givim moa long K290,000 olsem gren mani bilong ol komyuniti developmen projek long Manus Provins na i kam aninit long Strongim Pipel na Strongim Nesen Program.

AusAID bos Mista Schaefer, i bin witesim seremoni bilong givim dispela mani.

Nupela Raikos LLG sik kontrol senta bai stap long Ganglau

James Kila i raitim

WANPELA nupela disis kontrol senta blong lukluk na glasim wanem sik bilong Raikos distrik bai kamap long Ganglau helt klinik klostu long Basamuk long Madang provins.

Wanpela nupela haus i redi pinis we ol woklain i yusim ol olupela kapa na ol samting bilong Ramu Projek long Basamuk long sanap dispela nupela sik kontrol senta.

Nesing opisa bilong Ramu NiCo long Basamuk Rifaineri Klinik, Paul Konare i tok em i bin toktok wantaim ol lain long Madang Provinsal Disis Kontrol Senta long kirapim dispela disis kontrol senta long Ganglau.

Mista Konare i tok em i bin toktok gut wantaim Madang Provinsal Disis Kontrola, Bokun Wenani na olgeta wok redi i orait pinis na klostu taim wok stret bai kamap.

Mista Konare i tokaut tu olsem Madang provinsal disis kontrol opis aninit long lukaut bilong Mista Wenani i givim moa long K8,000 long sapotim dispela nupela disis o senta long glasim ol sik long Raikos distrik.

Em i tokaut klia olsem long namba tu kwata bilong dispela yia, Madang Provinsal Disis Kontrol ofis bai sapotim dispela senta wantaim ol nupela sia na tebol na ol arapela masin na glas long glasim ol sik nabaut.

Mista Konare i tok ol masin o instramen we ol bai putim

long senta em maikroskop na ol arapela long sekim ol blut sempol long ol sik olsem HIV/AIDS, TB, leprosy, maus-solap na ol arapela.

Em i tok nau yet em i lukautim tasol stat bilong dispela LLG disis kontrol senta inap ol helt opisa stret bilong Madang provinsal helt opis i go long hap long wok. Nau yet em i wok long kisim sapot na helpim i kam long Yomoro Nongi, wanpela komyuniti helt woka long Ganglau.

Ganglau eid pos em wanpela gavman helt institusen tasol insait las tripela na foapela krismas em i wok long kisim ol saplai blong marasin i kam long nikel/kobalt divelopa Ramu NiCo Menesmen (MCC) bikos eid pos ya i stap klostu long Basamuk Rifaineri bilong kampani.



Strongpela Nesing opisa, Paul Konare i givim sut long wanpela sikman long Basamuk.

YWAM helpim Ai na Dentel klinik bilong Living Lait

FRAIDE 19 Julai, 2013 long Kilakila Eben Helt Klinik, 4-pela yangpela meri long Yut Wit a Misin o YWAM sip i bin kamap long Kila Kila Eben Helt Klinik bilong Foaskwea Sios na donetim wanpela kit bilong sekim ai na wanpela potabel dentis sia i go long Living Lait Helt Sevis.

YWAM Praimeri Helt Tim i bin kam long YWAM sip, nau i stap long Pot Mosbi bris na ol i wok long mekim ol kain kain wok misin insait long Pot Mosbi.

Dispela Praimeri Helt tim i bin bringim sekim ai kit wantaim sampela glas bilong rit na long lukluk longwe.

Ol i givim tupela sekim ai kit, wanpela em negetiv, em bilong ai i ken lukluk gut klostu na narapela em positif long ai i ken lukluk gut i go longwe.

Ol glas i kam long bikpela sais na liklik sais tu na em i bilong ol lain i stap long ol bus ples we Living Lait mobail klinik i save bringim sevis long ol.

Long wankain taim tu, ol i donetim wanpela kain stail sia bilong ol lain i sekim tit i



ken sindaun long sekim tit.

Dispela sia tu i gat we bilong brukim na pulimapim long wanpela bek na karim i go long taim ol i go long mobail klinik.

Dispela sia i gat batri we ol i ken sasim long sola pawa olsem na i gat liklik sola

penel i kam wantaim we ol i ken putim antap long bek taim man i karim bek na wokabaut i go long ol ples bilong kilinik.

Klinik tim lida, Naomi Colwell i makim maus bilong YWAM Sip Dairekta Hannah Peart na i tok, YWAM tim i

amamas tru long givim ol dispela klinik tul i go long Living Lait Foaskwea long tupela klinik bai i ken yusim long gutpela wok long komyuniti.

Sinia Pasto, Rodney Tomurisea i bin stap long taim bilong givim dispela ol samt-

ing, wantaim Helt Sevis Menesa, Josephine Mamis wantaim liklik lain wok meri bilong dentis na ai klinik wantaim tupela wok meri bilong PNG Ai Kea long kisim dispela ol donesen.

Pasto Rodney i tok, "Klinik i bin wok long traim hat long

painim ol gutpela samting bilong wok long dentis na long ai klinik na dispela presen em i olsem blesing i kam."

Em i tok, Mobail klinik i bin malolo liklik long sampela taim na nau ol i wok long redi long statim gen, olsem na dispela dentis sia na potabel sekim ai kit em i bikpela helpim long rait taim stret.

Em i tok moa olsem, sios i bin sainim wanpela agrimen wantaim PNG Ai Kea tasol ol i no mekim sampela wok yet, olsem na dispela donesen long sekim ai kit em i gutpela stret na moa yet, bai sios iyusim long taim ol igo aut long ol rurel eria we ol iwok long sanapim nupela haus lotu.

"Tenkyu YWAM na yumi bai go het yet olsem patna," Pasto Rodney i tok moa.

Meri i go pas long Helt Sevis, Misis Mamis i tok, "Nau taim Kaugere klinik bai i pas liklik taim long ol i mekim ikamap bikpela haus sik, dispela tupela samting em bai helpim tru long mekim wok yet ausait long klinik."



Yut, Meri na Famili

Pastor Barbara Lunge

Patna wantaim Holi Spirit

HOLI Spirit em i eksekutiv opisa bilong heven. Na em tasol i nap long wok insait long laip bilong ol bilipman, meri long inapim ol wok plen bilong God.

Em i namba tri man insait long God Trinita. God het, i gat God papa, Jisas Kraus, pikinini man na Holi Spirit. Long tok Hibru i minim "ruah", em i olsem win yumi pulim o win i ron long ausait o spirit. "Win" bilong God em i save kamapim samting. Jehovah i tok tasol na em i kamapim ol heven, na olgeta samting insait long heven, em i kamapim long win bilong maus bilong em tasol. Wanem samting em i tok, em i kamap; em i givim oda na olgeta samting i sanap is." (Buk song 33: 6,9).

Olsem na ol bilip man na meri i gat dispela pawa bilong kamapim samting. Ol i ken toktok tasol long ol kainkain taim na sindaun bai i senis. Tude i gat planti kain kain hevi na pasin bikhet i stap long nesen na sosaiti bilong yumi. Ol pikinini man na meri bilong Kingdom bilong God i mas tok aut long oda na pasin bel isi, pasin bilong harim tok na bihainim tok, pasin bilong laikim narapela na pret long God na planti tok profet i go aut bai kamapim gutpela sindaun. (Ezekiel 37).

Jisas i tokim ol bilip man na meri long wetim promis na presen bilong Papa. "Jon em i baptais wantaim wara; tasol i no long taim nau bai yupela baptais wantaim Holi Spirit. Tasol yupela i mas kisim pawa, taim Holi Spirit i kam insait long yupela; na yupela bai kamap ol witness bilong mi long Jerusalem, na olgeta Judea na Samaria, na i go long pinis bilong graun." (Wok Aposel 1:5,8)

Yumi bai sot long mekim wok olgeta de sapos Spirit bilong God i no stap. Tasol wantaim promis presen bilong papa, ol Kristen i ken mekim kainkain samting we man i no nap long mekim.

"Mi tok tru long yupela, man husat i bilip long mi, bai mekim wankain wok mi mekim; na tu em bai mekim bikpela moa; bikos mi go long Papa. Na wanem samting yu askim long nem bilong mi, em bai mi mekim, na Papa bilong mi bai kisim biknem long Pikinini." (Jon 14:12-14)

"Holi Spirit em man bilong givim skul na kamapim tok tru bilong wok bilong God. Mi bai pre long Papa na em bai givim yupela man bilong helpim yupela na em bai stap wantaim yupela oltaim. Em i Spirit bilong tok tru, na dispela graun i no nap long kisim em; bikos em i no save long em, na i no lukim em. Yupela i save long em, na em i stap wantaim yupela na insait long yupela. Mi no i nap lusim yupela nating olsem pikinini i nogat papa. Mi bai kam long yupela." (Jon 14:16-18)

Nau yumi i stap long las de na pasin nogut i wok long kamap bikpela moa. Taim birua i kam olsem bikpela wara tait, na God bai kirapim wanpela strong bilong em. God i tok, long las de, em bai kapsaitim spirit bilong em long ol pikinini man na pikinini meri bilong yupela olsem yu ken ritim long Wok Aposel 2:17-18.

Yu noken abusim dispela sans long Holi Spirit pulapim yu i nap yu pulap olgeta na i kapsait i go aut. Ol wara i gat laip bai i kamaut long yu na yu bai mekim bikpela wok moa.

Sapos yu laik save moa o nidim helpim long prea: Toktok wantaim Wokmeri bilong BIKPELA, Barbara Lunge, Rivers of Grace international Ministries, P. O. Box 3063. Boroko, National Capital District, Papua New Guinea, B Mob 67331426 OR 71075829 DG.

LLG ileksen i lukim sampela meri i win

OL meri i wok long mekim mak bilong ol long Lokol Level Gavman (LLG) ileksen i wok long kamap nau na i kam inap tude, ol i tokaut pinis long tripela i win.

Wanpela em long em Ruth Mandrakamu i winim ol man kendidet long winim sia bilong Lod Meya bilong Lorengau long las wik.

Bikos em i gutpela maus-meri, em bin kisim bikpela

sapot long pablik long wod em i resis long en na win long holim posisen we ol man tasol i save holim long ol yia i go pinis.

Ruth i wok olsem wanpela redio anaunsa wantai m NBC Redio Manus long planti yia pinis.

Long dispela wik, tupela moa meri long Is Nu Briten i winim ol sia bilong presiden long g ol wan wan wod ol i resis

long g ol.

Sarah Marumin i bin resis na winim sia bilo ng presiden lo ng Reimber/Licuan LLG, na Elizabeth Malori i winim Sentrel Gesel LLG.

Mis Malori i bin winim 18-pela man i resis wantaim em taim em bin kisim 1,435 vot taim Marumin husat i bin wanpela skul tisa pastaim i bin winim ol narapela man kendidet. Moa yet, narapela

man em i resis wantaim we em i winim long liklik mak.

Misis Marumin i tok bikpela samting em laik mekim em long wod bilong en em long rurel ilektrifikesen bai kamapim gut laik na wok long ol helt senta, skul, ol sios na komyuniti, na kamapim ol wod developmen komiti.

Taim LLG ileksen na kauning long kantri i pinis, bai yumi lukim sampela moa meri i win.

Esther winim Fulbright skolasip

WANPELA meri PNG i wok long midia na komyunikesens eria i winim 2013 Fulbright Skolasip we gavman bilong Amerika i save ofaim i go long ol pipel bilong ol narapela kantri long wol aninit long intanesenel edukesen eksens program.

Esther Sibona bilong ples Nubia long Madang provins em dispela meri, na em bai go skul long DePaul Yunivesiti long Sikago (Chicago) long Amerika. Em bai wokim Mastas Digri long Jenelism.

Ol lain i bin resis long skolasip las yia na long mun Oktoba, ol bin makim wina meri Esther, bihain long intavyu we em i wokim gut na Fulbright Komiti long Embasi bilong Amerika long Pot Mosbi i luksave long save bilong em na tu, komyuniti komyunikesen



REDI LONG SKUL LONG AMERIKA: Esther Sibona bai kisim salens long nupela skul bilong em long Amerika. **Poto: Embasi bilong Amerika long Mosbi**

projek bilong em. "Mia mamas long kisim

2013 Fulbright Skolasip na mi redi long go skul long Amerika," Esther i tok.

Esther i bin greduet long Divain Wod Yunivesiti long 2007 na em i 5-pela yia nau em i wok long midia na komyunikesens eria long ol sampela oge-naisesen. Newcrest Maining i wanpela long ol.

Taim em i pinisim skul na kam bek long PNG, gol bilong en em long yusim redio brotkasting long promotim ol helt mesej.

"Mi bilip olsem dispela skul mi go long en bai givim mi sans long developim samting mi gat bikpela laik long mekim, na tu, strongim mi tu long wok bilong mi," Esther i tok.

Em i bilip olsem em ken kontribuit long ol wok developmen bilong kantri long sait bilong karimaut ol edukesen

awenes long ol bikpela samting o eria we PNG inap bungim hevi long en.

Fulbright Skolasip em i karim fleg bilong intenesenel edukesen eksens program long strongim wok pren namel long ol pipel bilong Amerika na ol narapela kantri

Rot we ol i save kisim ol Fulbright Skolasip wina em long mekim gut long gutpela akademik sait na tu, long li-dasip kwaliti ol i gat long en.

Ol i gat sans long stadi, tisa, karimaut risets wok, senisim aida o tingting, na kontribuit long painim ansa long ol samting we ol kantri i sav gat wari long ol long intanesenel level.

Biuro bilong Edukesen na Kalsereel Afeas wantaim US Dipatmen bilong Stet i sponsaim dispela program.

Wari long ol meri skul pikinini i karim bel

PASIN we ol liklik meri krismas bilong ol i no inap yet long gat bel i go het na gat bel na karim bebi i wok long kamap wanpela wari nau long dispela kantri.

Wanpela stori i bin kamap long las wik long dispela samting na man i go pas long Sosel Komyunikesens bilong Komprens bilong ol Katolik Bisop long PNG na Solomon Ailans em Pater Giorgio Licini, i tok tru, dispela hevi i nogut moa long sampela kantri long wol, em i wok long kamap bikpela long dispela kantri bikos mak nau long PNG we ol liklik skul meri krismas bilong ol i no inap yet long gat bel i go het na gat bel na karim bebi i sanap long 5 pesen taim wol mak i sanap

long 13 pesen.

"Bikpela wari nau olsem long PNG, 5 pesen long ol pikinini meri i stap long skul i save gat bel. Dispela i soim tu olsem wankain mak o moa bilong ol patna man i save mekim nogut long ol gel i no inap yet long krismas bilong karim bel, tasol abusim ol o fosim ol long tok yesa.

"Tru, bebi we gel bai karim i gat rait olsem tasol ol narapela bebi ol mama i karim long wol, dispela em bebi we ol i no laikim, tasol em i kamap.

"Olsem na ol bai no mekim gut long dispela ol kain pikinini mama i karim long dispela rot.

"Tu, liklik lain long ol gel i gat bel olsem em ol man bai mar-

itim ol na stap olsem famili.

"Olsem na i moabeta long abusim "teenage pregnancy" o ol liklik meri krismas bilong ol i no inap yet long karim i go het na karim bel," Pater Giorgio i tok.

Taso Pater Giorgio i tok kwesten em olsem wanem.

Em i tok yumi kwestenim nau famili na edukesen bikos famili em namba wan ples we ol papamama i givim stia skul i go long I pikinini bilong ol long bihainim gutpela pasin.

"I moabeta long ol papamama long skulim ol pikinini long nauspela na velyu bilong laik pasin, "dating" o wokikm prenpasin na marit na tu, tokim ol olsem taim samting i go rong

long dispela eria, em save kamapim bikpela hevi long famili.

"Mi harim olsem planti papamama i no redi long mekim dispela ol toktok na dispela i no gutpela bikos kikkbek bilong em i nogut. Ol papamama i mas kisim skulim na strong long givim stiatok skul i go long ol pikinini bilong ol long seksueliti o pasin bilong wokim prenpasin, slip wantaim man na famili laip," Pater Giorgio i tok.

Em i tok em i no wok bilong ol sios tasol long mekim givim ol stiatok skul na promotim bihainim gutpela pasin, tasol famili i gat bikpela wok tu olsem namba wan ples we ol pikinini i kisim skul long en.

Raun Lukim ol Meri na Pikinini:



MALOLO NA KISIM WIN: Sampela ol Angliken Madas Yunien mama i sindaun long naispela ples long kisim win taim ol i go kamap long Laloki Saikaitrik Haus sik long lukim ol siklain long hap. **Poto: Veronica Hatutasi**



NAISPELA KUMU: Tabubil Maket em wanpela hap we yu ken baing ol naispela pres na bikpela mekpas watakres na soko kumu long K1 na K2 tasol, olsem dispela we dispela meri i salim i stap. **Poto: Veronica Hatutasi**



STRONGIM WOKBUNG: Hetbisop Giegere Wenge na Reveren Yambe Sike wantaim ol bikman bilong SIL. *Poto: Sanag Zazoring*

Wok bung bai strongim ol Kristen Sios Yuniti – Bisop Wenge

Sanag Zazoring i raitim

OLGETA sios dinominesen i mas wok wantaim olsem Kristen long inapim sot bilong ol pipel insait long spiritual laip bilong ol.

Na ol sios i gat wanpela mak tasol long autim Gutnius na tokaut long bilip bilong ol insait long Jisas Krai.

Long dispela wok tasol ol i gat misin bilong inapim.

Hetman bilong Luteran Sios insait long PNG Reveren Giegere Wenge, i mekim dispela tok long Wewak, Is Sepik, long wiken insait long amamas de bilong ol Luteran.

Dispela amamas i makim kam bilong Gutnius 127 yia i go pinis taim misinari Johann Flierl i bin bringim Gutnius long 12 Julai, 1886.

Dispela i go wantaim amamas bilong ridedikesen (open gen) St. Daniel Luteran Sios long Wewak taun, bihain long 40 yia bilong dispela haus lotu.

Bisop Wenge, i luksave long kam bilong ol misinari husat i wok hat long mekim Papua Niugini i kamap olsem Kristen nesen.

Em i tok tenkyu long olgeta sios grup husat i bung wantaim ol Luteran na amamasim kam bilong Gutnius.

“Luteran sios tu i kamap long wok bilong ol ovasis misinari olsem na i gat gutpela as bilong yumi i amamas,” em i tok.

Bisop Wenge tu i luksave long wok bilong Summer Institute of Linguistics (SIL) long mekim wok bilong tanim Baibel i go long hap bilong 800 tokples bilong PNG.

“Mipela i bin sainim wanpela agrimen wantaim S.I.L. long olgeta sios i mas kamap papa bilong dispela wok na tanim narapela 300 tokples i stap yet, dispela i kam long wok bilong ol misinari,” Bisop Wenge i tok.

Em i tok bihainim ol bikpela wok ol misinari i bin mekim, Luteran Sios i bin kamap independen sios long 1956 bihain long dispela sios i lukim planti bikpela senis i kamap.

Kaikai bilong dispela wok i kamap taim sios i kamapim ol wokman bilong em yet olsem pasto, evanjelis, tisa na ol arapela wokmanmeri long mekim Luteran Sios tru independen sios wantaim wokmisin bilong em.

“Mi amamas olsem PNG i gat Kristen gavman em mipela i sainim agrimen long givim sevis long ol pipel wantaim edukesen, helt, agrikalsa na arapela developmen sevis.

“Luteran Sios insait long PNG i sanap na sapotim gav-

man long givim ol dispela sevis long ol pipel,” Reveren Wenge i tok.

Long disepela taim Bisop Wenge i tok tenkyu long gavman bilong Is Sepik long dispela wok i kamap.

Em i luksave tu long lokol MP bilong Wewak Open, Jimmy Simatap, husat i gat opisel wok insait long Pot Mosbi na em i no kam.

Wanpela opisa bilong memba em Jeoffery Fimbore, i bin kisim pes bilong memba long dispela bung na bihain em bai ripot long olgeta samting long en.

Bisop Wenge tu i luksave long Is Sepik Rijinel Memba, Gren Sif, Se Michael Somare.

Em i tok, namba wan praim minista i bilong Sepik husat i bin kisim save long Morobe wantaim em na Luteran Sios i pasin tok long wokim Luteran Yunivesiti.

Bihain long wok bung bilong Somare gavman, tok orait i bin kamap wantaim gavman bilong Peter O’Neill we wok bilong kirapim Luteran Yunivesiti i wok long kirap long Martin Luther Seminari graun nau.

Namel long ol sios i bung na amamas wantaim ol Luteran long Wewak, Siaman bilong (fraternal) Sios bilong Nazarene insait long Is Sepik, Reveren Yambe Sike,

i welkamim Bisop Giegere Wenge na tok “yu soim pasin bilong daunim yu yet na kam lukim mipela.

“Kam bilong yu long provins bilong mipela i bringim blesing long mipela insait long bilip bilong mipela long Jisas Krai.”

Reveren Sike i luksave tu long wok bilong ol misinari na tok, wol rekod i soim olsem PNG i kisim bikpela lain misinari i kam long ovasis husat i stap olsem papa bilong Kristen sios insait long dispela kantri. “Dispela ol misinari bai go olsem, na yumi yet i mas kamap papa bilong wok sios bilong yumi long strongim dispela bilip i stap laip yet,” em i tok.

Reveren Sike i tok strong olsem, pasin bilong man i maritim man na meri i maritim meri (gay) i no ken kam insait long dispela kantri.

Em i tok ol Kristen Sios insait long PNG i mas sanap wantaim na rausin kain kain pasin nogut Satan i bringim insait long laip bilong ol Kristen.

Amamas bilong olgeta sios insait long dispela bung wantaim ol Luteran Sios i soim olsem, yumi wok wantaim aninit long wanpela mak, em long tokaut long bilip long Jisas Krai na rausim pasin bilong bruk namel long olgeta Kristen.



Mekim gut long arapela na painim laip tru

LONG Gospel bilong las Sande, Santu Luke 10: 25-38 em i stori long wanpela Samaria man i helpim wanpela Juda.

Bihain long dispela stori, wanpela saveman bilong loa i laik traim Jisas na askim em long rot bilong itenel laip o laip i stap oltaim oltaim.

“Tisa, mi bai mekim wanem na mi kisim laip bilong stap oltaim?”

Na Jisas i no bekim tasol em i askim em olsem, wanem tok i stap long loa? Yu ritim olsem wanem?

Na saveman bilong loa i bekim ansa bilong askim bilong em yet.

Yupela i mas laikim God Bikpela bilong yumi, yupela i mas laikim em tru long bel, long spirit, long strong na long tingting bilong yupela na laikim tru ol wantok olsem yu laikim yu yet.

Long olgeta Juda taim ol liklik, ol i groa wantaim loa, pasin na rot bilong bilip long God Bikpela bilong ol olsem na em i autim tok rot bilong bilip wantaim bel, spirit strong na tingting.

Tasol luksave long wantok em i nogat stret, olsem na Jisas i autim piksa stori bilong gut Samaritan.

Tasol mi go bek long askim bilong saveman bilong loa. Bai mi mekim wanem na kisim laip bilong i stap oltaim?

Taim Jisas i harim saveman bilong loa i bekim askim bilong em yet long buk tambu bilong olupela testamen em i tokim em olsem.

“Yu mekim olsem, na bai yu kisim laip.” Dispela hap tok i stiarim yumi long stat bilong bilip na poroman wantaim God long kristen rot.

Yumi kristen i save gut tru long dispela skul bilong laikim God.

Tasol wantok em husat? Brata bilong yumi, susa, papa anti, kasin, o husat tru?

Jisas i lukim pinis laip bilong saveman bilong loa.

Lewa bilong em i no stret tru long helpim ol birua, ol man i no wanblut bilong em na ol turangu. Olsem dispela stori Jisas i givim em bilong i napim olgeta loa insait long laip bilong em na em bai i nap kisim laip bilong oltaim taim em i dai.

Long pinisim stori, Jisas i tokim saveman bilong loa olsem. “Yu go na yu mekim wankain pasin.”

Em pinis bilong ol wok Jisas i askim yumi long mekim na kisim prais o laip i stap oltaim, taim yumi dai.

Dispela bilong mekim na bihainim God i no i stap long we o narapela hap. Nogat!

Em i stap insait long laip bilong yumi yet.

Planti taim yumi save rong na poinim i go long arapela hap na mekim olsem God i stap long we tru.

Yumi mas save olsem God Tri Wan i stap wantaim yumi, em nau loa bilong laikim tru God wantaim bel, spirit, strong, tingting na laikim wantok i stap wantaim yumi.

I noken hat wok long painim olsem planti taim yumi save paul na mekim.

Tru tumas, wanpela bikpela asua yumi i no save bihainim, mekim na soim em pasin bilong helpim ol turangu o wantok o birua.

Em tasol God i laik em i no stap long skai o long bik solwara, we sampela lain i go na kisim i kam na mekim wok long yumi, nogat!

Em i stap stret long maus na hat bilong yumi pinis na yumi yet mas opim laip bilong yumi na mekim. Em dispela mak tasol God bai givim yumi prais.

Olsem na yumi go na mekim wankain olsem.



Nupela Kin bilong Briten..PRINS William na Dases bilong Kembris i soim pinis namba wan pikinini man bilong tupela i go long planti pipel ausait long haus sik we Catherine i bin karim bebi long en.

Prins William na meri bilong em Catherine i soim pikinini bilong tupela

PRINS William na Dases bilong Kembris i soim pinis namba wan pikinini man bilong tupela i go long planti pipel ausait long haus sik we Catherine i bin karim bebi long en.

Dispela pikinini i kamap olsem namba tri man husat bai kamap king bilong Briten. Em bai bihainim bubu man bilong en Prins Charles na papa bilong en, Prins William.

Prins William na Catherine i bin kam aut long St Mary's haus sik long London na soim pikinini bilong tupela i go long ol pipel, wanpela de tasol bihain long mama bilong en i bin karim em.

Taim ol pipel i bin singaut na soim bikpela amamas bilong en, Prins William na Catherine i bin tokim ol pipel olsem ol i wok long painim yet wanpela nem bilong kolim nupela pikinini bilong ol. Tasol nau ol i save long

en tasol olsem Prins bilong Kembris (Cambridge).

Prins William i bin tok pilai tu na tok olsem, em i gutpela pikinini bilong en i gat planti gras long het bilong en, winim em yet.

Em i bin tok tu olsem pikinini i luk olsem mama bilong en.

PNG NGO lida gat tupela tingting long asailam loa

PAUL Barker, Ekseketiv Dairekta bilong Institut ov Nesenel Afes long Papua Niugini, i tok tingting bilong Australia PM, Kevin Rudd, na PNG PM, Peter O'Neill inap helpim tupela kantri, tasol em i ken kamapim hevi tu.

Praim Minista O'Neill i tok em i win-win sindaun o em bai bringim planti gutpela samting long Papua Niugini.

Em i tok kantri bai kisim bikpela mani long dispela progrem wantaim sampela bikpela wok long stretim na kamapim gut gen ol rot, haus sik, na long ol yuni-vesiti.

Asailam Sika Ditensen Senta long Manus Ailan bai ol i prosesim ol pipel i kam long bot na sapos ol i painim olsem ol i no refuji tru tru, bai ol i salim ol i go bek long kantri bilong ol.

Na sapos ol i no laik go bek long kantri bilong ol bai ol i stap olgeta nau long Papua Niugini.

Plantu Humen Raits grup long Australia i tok dispela nupela polisi oa loa bilong gavman bilong Australia i brukim Humen Raits bilong ol asailam sika.

Sampela ken i tok, dispela plen bilong Praim Minista Kevin Rudd em i bihainim wok politiks long Australia, long wanem klostu nau na bai gat nesenel ileksen long Australia.

Ol PNG sios lida i tok makim dispela agrimen olsem wanpela rabis tingting

Wanpela Pater bilong

Katolik Sios long Pot Mosbi, i tok em i kirap nogut tru long harim dispela plen bilong Praim Minista Rudd na wanwok bilong en, bilong PNG, Peter O'Neill.

Pater John Glynn, husat i bin statim na i wok yet wantaim NGO grup bilong em, ol i kolim long "WeCare", long helpim ol strit pikinini na ol disebol pipel long Pot Mosbi, i tok PNG i gat ol bikpela wari long nogat haus bilong planti pipel long taun, ol helt sevis na edukesen sevis tu i bagarap, na hau bai ol i kisimi planti tausen ol asailam sika i go insait long kantri?

Pater Glynn i ting, astingting bilong Peter O'Neill em bilong kisim bikpela mani i kam long Australia, na long wankain taim, ol wok politik long Australia i mas mekim Praim Minista Kevin Rudd long kamapim dispela plen.

Bai gat nesenel ileksen long Australia klostu na sampela i ting Kevin i mekim dispela tingting bilong kisim sapot i kam long ol vota bilong Australia.

Tenpela yia bilong RAMSI na sampela i gat strongpela tingting yet long en

SAM Seke, het bilong Radio Australia Tok Pisin strim, i stori long ronawe bilong en long trabel long Solomon Ailans, na wok em i bin kisim hia long Australia.

Tude, em i makim stret, tenpela yia bilong "Rijenal Asistens Misin i go long Solomon Ailans" o RAMSI - em Australia i go pas long en, i bin kamap long Solomon Ailans.

Astingting bilong kirapim RAMSI we em i gat ol sekyuriti fos na militari bilong ol memba kantri bilong Pasifik Ailans Forum, i stap long en, em bilong bringim pis na gutpela sindaun long Solomon Ailans bihainim bikpela trabel na pait long kantri.

Dispela trabel i bin stap namel long ol pipel bilong Malaita provins na Guadalcanal provins we bik-taun Honiara i stap long en.

Sam Seke, bilong Radio Australia Tok Pisin Sevis, i bin wok olsem wanpela niusman o jnalis long dispela taim nogut, na em i save bin salim ol nius i go long planti nius lain long wol, wantaim tu, Radio Australia.

Long yia 2000, sampela lain trabel i bin laik kilim em, olsem na em i bin ronawe i go long Australia.

Em i bin kamap long Australia olsem wanpela politikal refuji, na bihain, em i bin helpim Australia Difens Fos na ol soldia na polis bilong Pasifik rijen, huat i bin wok wantaim RAMSI.

Australia asailam loa i kirapim kain kain toktok

Plantu toktok ikamap iet long Australia na PNG bihainim nupela asailam polisi tingting bilong Australia long salim olgeta asailum sika husat i kam long ol bot long Australia i go stap olgeta long Papua Niugini i kirapim planti kain toktok long PNG, Australia na Solomon Ailans.

Sampla pipal i sapotim

dispela plen, tasol sampla ken i no wanbel wantaim dispela tok orait em tupela Praim minista Kevin Rudd bilong Australia na Peter O'Neill bilong PNG i bin sainim long Fraide long wik i go pinis.

Plantu pipal long Papua New Guinea i tok ol i no nap bilip stret olsem lida bilong ol i bin harim askim bilong Australia long putim ol dispela asailam sika long stap olgeta long PNG.

Sampela pipal itok, oli wari olsem ol dispela asailam sika igat ol narapla kaen bilip na kalsa na dispela inap kamapim hevi namel long ol komyuniti long PNG.

Sampela ken i tok PNG i no lukautim gut ol pipal bilong en yet, na hau bai em i lukautim ol dispela asailam sika.

PNG MP i sapotim Asailam Plen

PLEN bilong Praim Minista bilong Australia na wanwok bilong en long PNG, i kisim sapot i kam long wanpela PNG politisen.

National Parliament Memba bilong Komo Magarima long Hela Province bilong Papua New Guinea itok emi sapotim pasin em Praim Minista Peter O'Neill ibin mekim long sainim Asylum seeker agriman wantem Australia Prime Minister Kevin Rudd long Fraide.

Dispela tok orait em tupela lida i bin sainim bai larim Australia i salim ol asailam sika husat i kam long ol bot long Australia bai kam long PNG bilong ol stretim ol imigresen pepa wok bilong ol long Manus Ditensen Senta.

Dispela agrimen i kirapim pinis planti ol narakain tingting namel long ol pipel bilong Papua Niugini na long Australia tu.

Aninit long dispela agrimen, sapos ol painim olsem ol asailam sika i trutru refuji, ol bai stap olgeta long Papua Niugini na ol bai no inap salim ol i go long ol narapela kantri.

Sampela pipel long Papua Niugini i tok ol i no wanbel tru wantaim dispela tingting, taim ol lain husat i save sapotim humen raits long Australia i mekim planti strongpela tingting agensim dispela polisi.

Senis em i samting yumi wan wan i ken mekim



SAMTING we i fri long yumi olgeta, em i no samting yumi olgeta i save kisim.

Dispela samting em i senis.

Yu no nid long holim kesmani long han bilong yu long mekim senis.

Em i fri.

Kostim bilong mekim senis long samting bilong strongim dispela samting long mekim gut wok, o givim gutpela senis, o strongim bilip na tingting bilong ol arapela, bai ol i ken kamapim senis, em i no wanpela samting.

Dispela hap tok, i kam long leit Joe Roger Kanekane.

Dispela bikman, i bin presiden bilong Midia Kaunsil bilong Papua Niugini.

Em i bin holim wok olsem Dairekta bilong Loa na Jastis Sekta Sekreteriet.

Kanekane i bin wanpela niusman. Em i kamap wokman bilong gavman, na kamapim planti senis na progrem.

Wanpela strong bilong en tu, em long givim toktok bilong strongim bilip na save.



Dispela tok em i givim long yumi wanwan i ken kamapim senis, em i tru tok.

Strong bilong yumi wan-

wan i stap long save yumi gat, na strong na bilip yumi gat long mekim samting na kamapim senis.

Gutpela o nogut, dispela

strong, em yumi wanwan i gat pinis.

Yumi olgeta i mas yusim.

Nupela Asailam Sika Agrimen

Nius i kamaut nau long Australia, em ol TV stesin i toktok pinis wantaim wanpela bipo wasman long Manus asailam sika, na em i tokaut olsem Manus Senta i no gutpela ples. Em i tok olsem ol man i wok long bagarapim ol man yet insait long hap

Dispela i bihainim wanpela agrimen we Praim Minista O'Neill i sainim wantaim nupela Praim Minista bilong Australia, Kevin Rudd.

Tingting bilong Rudd long dispela senta, em i senis planti taim pinis.

Nau, em i wok long sapotim gen long traim winim bilip bilong ol Australia pipel.

Ol Australia i pilim pinis lidasip bilong meri taim Julia Gillard i stap PM, olsem na Mista Rudd i yusim dispela ol refuji hevi long strongim nem.

Sapos ol dispela sut tok long hevi i stap long senta i tru, bai yumi olsem independen kantri i karim wanem kain nem nau?

Dispela askim, planti ol memba bilong komyuniti i wok long autim.

Na olsem wanem long bikpela hap graun i stap long Westen Australia? Watpo na ol i no inap kisim ol i go stap long hap, na sekim ol gut. Sapos ol giaman lain i stap, ol i ken salim ol i go bek long ples bilong ol.

Gutpela praim minista bilong yumi i mas tokaut long olgeta hap liklik toktok insait long dispela agrimen em i sainim, husat tru bai bosim dispela senta, na ol dispela refuji bai kisim wanem kain sevis taim ol i stap long kalabus?

Gutbai William Kapis

TENKYU tru long ol polisman bilong yumi long holim dispela biknem man long pasin stil long kantri bilong yumi.

Ol polisman i tok Kapis na wanlain bilong em Walimini i bin sut long gan wantaim ol, na ol i kilim em.

Turangu tupela i no stap long tok yesa, o nogat long dispela stori.

Kapis i bin givim bikpela hetpen na rabisim tru ol polisman bilong yumi. Em i bin mekim Bomana olsem wanpela haus pamuk, na holidi haus bilong en.

Em i bin kostim kantri bilong yumi bikpela mani tru long painim em.

Kapis i bin tokaut long planti samting long wanpela vidio ol polisman i bin rekodim. Planti long ol dispela samting, em i no stap moa long tingting bilong yumi.

Tru o nogat, yumi bai no inap save moa.

Nupela Sios Sekreteriet mas sanap long dispela Ogas

Veronica Hatutasi i raitim

LONG mun Ogas em neks mun tasol, Sekreteriet opis bilong ol sios i mas sanap.

Gavman i givim daireksen long Dipatmen bilong Komyuniti Developmen, Rilijen na Yut long sanapim dispela opis long taim em i makim long en long mun i kam.

Olsem na dipatmen ya wantaim Nesenel Plening na Monotaring i wok long holim ol bung wantaim ol sios insait long 4-pela rijen bilong kantri.

Long Mas Gels bung, ol lain i makim ol bikpela sios we i stap longpela taim pinis na i mekim bikpela kontribusen long spiritual sosel na fisikel developmen bilong kantri i bin stap, taim ol narapela nupela Pentekostel na liklik sios tu husat nau i wokim kontribusen bilong ol i bin stap tu.

Siaman bilong PNG Kaunsel ov Sios (PNGCC), Pater Danny Guka i bin tok nau yet, i nogat nesenel polisi long Stet Sios Pat-

nasip Progrem na dispela ol bung toktok i lukluk long kamapim wanpela sios sekreteriet bai gat gavaning bodi na fanding long mekim wok bilong ranim opis.

Pater Danny i tok Sios patnasip Progrem (CPP) we 7-pela bikpela sios i stap insait long em i wok gut long go hetim ol progrem na projek long helt, HIV/AIDS, edukesen na ol sosel developmen progrem olsem wara n a sanitesen Na tu, sapotim na strongim ol opis na ol woklain long mekim gut wok bilong ol (capacity building).

Insait long dispela, gutpela gavanens na trensperensi o wokim samting long ples kliia na i mas gat ripot long rot ol sios i yusim mani long en.

Margaret Sete bilong CPP i bin wokim sotpela ripot long rot we CPP i wok long en na ol progrem, projek na wok i ron gut, bihain long ol i bin statim long yia 2005.

Em bin tok tupela gavman bilong PNG na Australia i sapotim dispela progrem. Na rot we gav-

man bilong Australia i save givim fanding o mani sapot em aninit long AusAID we i save givim dispela fanding i go long ol patna sios husat i save givim mani i kam long ol wansios bilong ol long PNG taim ol i givim ol ripot long ol projek ol i laik mekim na hamas manimak ol bai tromoim long en.

Misis Sete i bin tok long pastaim, het opis bilong CPP i stap long Sidni Australia, tasol nau em i stap long Pot Mosbi.

Em it ok ol patna i mas gat rispek long wanpela narapela, trastim wanpela narapela na stap ikwal o long wanpela level na i no wanpela i ting olsem em i stap antap long narapela.

Misis Sete i bin tok COO i gat ol yut progrem i stap insait na em i luksave long ol hevi bilong spakbrus na hombru i kamapim long ol yut.

Salvesen Ami i karimaut wok long dispela eria, Misis Sete i tok

Long wankain taim, Yunaitet Sios i wok long karimaut yangpela Ambaseda bilong Pis long ol hap bi-

long kantri we wanpisan pait i stap long en, na restoretiv jastis long Arawa, Bogenvil.

Yunaitet Sios i gat wanpela ges haus long Arawa we em i save karimaut ol progrem long helpim ol yangpela pipel we i bungim hevi bikos long Bogenvil kraisis.

Long Kandep insait long Westen Hailans, spots progrem i kisim ol yangpela i go insait na i helpim ol long i no stap nating long abrusim trabel na lainim sampela gutpela samting.

Ol lain i bin lukim ol sios aninit long CPP Progrem i wok gut stret na dispela gutpela rot

Em ol i ken skruim long wok wantaim gavman.

Planti ol sios lida long bung i wanbel long nupela opis sekreteriet i mas kamap na helpim ol i go hetim gut wok bilong ol wantaim.

"Forum i opim rot wantaim ol nuperla tingting na mipela i laikim bai dispela opis i mas kamap hariap long helpim mipela i moa ogenais," Pasto Vincenmt Miria it ok.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Websait: www.wantokniuspepa.com

Pe bilong wanpela yia, 52 niuspepa

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



KAUGERE Living Lait Foaskwea Gospel Sios (LLFGC), i selebretim 20 yia

20 yia long Kaugere i karim gutpela kaikai

Ol stori na poto: Frieda Sila Kana

KKAUGERE Living Lait Foaskwea Gospel Sios (LLFGC), i selebretim 20 yia bilong wok misin na komyuniti wok insait long, Nesenel Kepital Distrik, long 9 Julai i go 14 Julai,

Foaskwea sios i salim misineri Pasto Bill Page i kam long Pot Mosbi long statim sios, tasol bihain liklik dispela wokman bilong God i kisim wanpela visen olsem, sios i mas putim han na lek i go aut long soim laikim tru bilong God long ol lain komyuniti.

Sinia Pasto bilong Kaugere Foaskwea Sios, Rodney Tomurisesa i tok visen bilong dispela sios em, "Wara i ron na karim ol gutpela ministri wok long sios i go aut long komyuniti."

"Mipela bilip long mekim wok tru long soim laikim bilong God long ol man," Pasto Rodney i tok.

Sios i pulap long Spirit bilong God na i save karim laikim bilong God. Las 20 yia i go pinis, mipela mekim ol wok em long soim tru laikim bilong God insait long soim wok mipela mekim long ol setlemen na ol komyuniti we i senisim tru laip bilong ol long helt, literesi, givim kaikai long ol pikinini na mama, laip skil bilong ol mama long lainim samap, kukim kaikai na beking, na helpim ol yangpela man long lusim pasin bilong raun nating long strit na lainim long wok. Mipela i gat Digicel Meri Seif Haus tu long lukautim ol meri i painim hevi long haus lain bilong ol. Moa

LLFGC, i soim laikim bilong God long Westen Provsins wantaim Living Wotes Ministri taim ol i kisim kontrak wantaim Ok Tedi Main na long Buka ol i wokim wanpela sios tu. Living Wotes i bin sanapim ol wara pam long Manam Ke Senta, taim maunten paia i bin ronim ol long 2005 na ol i go sindaun long ol plantasin long bik ples.

Long Sauten Rijen, dispela sios i kamapim planti sios long Plani Sios aninit long Planim Sios Ministri. I gat narapela ministri em i save opim rot bilong wok misin em long ol presen bokis we ol pikinini i save kisim long olgeta yia insait long Sentral Provsins, Oro Provsins, Galf Provsins, Milen Be, Madang na NCD.

Bikpela pes bilong Kaugere Foaskwea Sios insait long Pot Mosbi na Sentral na Kerema em long ronim Mobail Klinik wantaim ambulens. Dispela ministri i stat liklik wantaim wanpela pikinini long 6 Mail dam i gat sua na nau sios i ronim tupela helt klinik long NCD em Kila Kila na Kaugere klink, na klostu bai kirapim wanpela bikpela haus sik long Kaugere, wantaim helpim bilong lokol memba, Honorebel Memba bilong Pot Mosbi Saut, na Minista bilong Spots na 2015 Pasifik Gems, Justin Tkatchenko, Pot Mosbi Jeneral Haus sik na Stimsip Treeding kampani.

"Kaugere em i wanpela ples nogut bilong ol raskol na ol stil man i pulap tasol mipela i stap yet long helpim ol," Pasto Rev Tomurisesa i tok.

Sios i gat wanpela Baibel Skul, Wanpela Kristen Akademi skul bi-

long ol pikinini i gat 120 sumatin long wanwan yia, wanpela meri seif haus bilong lukautim ol mama i painim hevi long haus bilong ol, Moale Kids, em bilong lukautim ol pinkinini nogat papa na mama na nogat skul, ol meri man bilong ol i dai pinis na i nogat wok, Yut Ministri, Helt Ministri, Living Wotes Ministri, Sios Laip Ministri, Wimen Risos we lainim laip skil olsem samap, kuk na skul long Jenda Bes Vailens long ol meri.

Kaugere sios i stat wantaim 12-pela kongrigesen memba tasol nau, olgeta Sande i save gat olsem 1000 kongrigesen memba i kam lotu na i gat 14-pela pasto i stap ful taim wok insait long sios na ol i ronim 14-pela ministri, wanwan pasto long wanwan ministri.

Pasto Rodney i tok, "Komyuniti bilong Pot Mosbi i mas luksave olsem Patnasip em i bikpela samting. Wanem hap mipela i sot, patnasip wantaim narapela bai helpim mipela long strongim wok i go moa yet."

"Rot bilong Lo na Oda na bel isi oltaim, i stap wantaim ol sios. Olsem na em i gutpela long gavman na ol praivet sekta long wok patna wantaim ol sios bilong wanem ol bai i kisim gutpela sindaun na mekim gut bisnis longpela taim bihain," em i tok.

I no Foaskwea tasol, nogat i gat Baptis Sios, Salvesen Ami, Yunaiteit Sios i stap na i givim helpim i stap long gutpela Lo na Oda taim ol yut i kisim gutpela helpim long ol sios.

Mipela mekim wok bilong sapotim ol meri man bilong ol i dai pinis, ol pikinini nogat papa na mama,

mipela fidim ol pikinini, na mama na tu mipela i gat program bilong helpim ol meri man i dai pinis long haus, klos na maket bilong helpim ol yet.

Olgeta ministri i bin kamap bilong wanem sios i bin lukim wanpela nid em i stap, long em i mas helpim ol memba bilong sios na ol lain i stap klostu. Tasol lukluk i go bek nau, em i lukim plen bilong God tasol i wok long kamap ples klia.

God i wok long go pas long dispela sios i mas stap olsem wanpela sios bilong soim laikim bilong em. Olsem na haus lotu nau long Kaugere i nogat banis, em i op tasol long soim olsem olgeta lain i welkam long kam insait long kisim helpim.

Tupela nambawan misineri pasto bilong dispela sios, Pasto Bill Page na Corrie Page nau i kamapim wok long Cairns wantaim ol Aborigines bilong Australia, tupela i bin kam long witnesim selebresen wantaim 28-pela kongrigesen memba na sampela famili bilong tupela. Namba wan Baibel Skul Prinsipel, Pasto Ken iskov na meri bilong em, meri pastaim i lukautim Operesen Pasim Sua, Misis Leonie iskov bilong C3 Ride Sios long Sydney

"Long narapela 20 yia, visen bilong dispela sios bai i stap wankain yet bilong wanem em i gutpela model long wok ministri na mipela i no inapim yet olgeta we long soim laikim bilong God. Em i gutpela piksa bilong ol sios i wok wantaim komyuniti long soim tru laikim long God," Pasto Rodney i tok.

OPS i bringim laikim bilong God

Ol bikpela samting i save stat wantaim liklik samting, bai yumi tok olsem, bilong yu long go 1000 mail, yu mas stat wantaim wanpela step.

Living Lait Helt Sevis bilong Kaugere Foaskwea Sios na i gat tupela eben helt klinik long Kila Kila na Kaugere. Tupela wantaim i gat ples bilong sekim ol kainkain sik wantaim tit o dentis klinik, ai klinik, T.B klinik, HIV na AIDS, STI klinik, bel mama na bebi klinik, family klinik na olgeta narapela sevis we ol helt klinik i save givim.

Nau long de 14 Julai 2013, lokol memba bilong Palamen, na Minista bilong Spots na 2015 Pasifik Gems, Honorabel Justin Tkatchenko i autim bikpela tok olsem, em bai helpim wantaim K1 milian long kirapim bikpela haus sik long Kaugere. Tupela yia i go pinis, Digicel PNG i givim wanpela ambulens long klinik long go het wantaim mobail klinik na komyuniti autris wok bilong sios.

Dispela Living Lait Helt Sevis em pastaim tru i bin stat olsem, Operesen Pasim Sua. Na meri husat i statim dispela wok wantaim Pasto Bill Page i stori liklik long dispela wok. Mama Lyn em i wanpela registered nes tasol em i no bin wok long dispela taim em i stap long lotu.

"Mi save go long 4-Skwea Sios long Kaugere long ol Sanden a mi no save mekim wanpela samting moa. Wanpela taim long krismas taim, sampela bilong mipela kongrigesen i go antap long 6 Mail ples bilong tromoi rabis na mipela i go givim kaikai long ol pikinini i wok long rabis hap," em i tok.

Taim mi wok long sanap wantaim Pasto Bill Page long hap em mipela lukim planti pikinini i gat sua na ol bikpela lain tu i gat planti sua na sua bilong ol i gat binatang na i go bikpela tumas. Mipela lukim na mipela tok man i nap



bai yumi ken pasim ol dispela sua? Na Pasto Bill i askim mi na mi tok, yes Pasto, mi nes na mi ken stretim ol dispela sua.

Em nau mipela kisim sampela marasin bilong sua na banis na mipela i go long olgeta mun long pasim sua na givim marasin.

Sampela misineri long Amerika i lukim mipela na ol i donetim wanpela ambulens na mipela i save yusim long go aut wantaim ol yut long olgeta mun.

Ol wok i go bikpela na gutpela moa na ambulens mipela i save sanapim ausait long haus bilong Pasto Bill Page.

Olgeta moning ol i save kam na wet ausait long get, na mipela tok, bai yumi noken rausim ol, na Pasto Bill i tok, putim wanpela tebol long hap na stretim ol sua bilong ol, na mipela wokim olsem.

Moa na moa pipel i wok long kam bihainim ambulens na mipela wok long lukim ol long fran bilong haus. Olsem na mipela wokim wanpela haus klostu long sios. Em nau mipela i askim AusAID long wokim wanpela haus bilong putim ambulens klostu long haus lotu. Ol i kam na wokim wanpela haus. De

taim mipela opim olsem klinik na nait taim em ambulens i save go insait na stap.

Wok i go bikpela moa na nogat i nap spes na wok manmeri long helpim olgeta lain.

Bihain mipela go daun long Kila Kila na lukim klinik haus i sanap nating na ol i no yusim long wok i nap long siksipela yia olgeta. Mipela askim ol helt otoriti na ol i tok orait long opim klinik bilong mipela.

Joyce Meyer i kam long 2009 na lukim mipela wantaim problem bilong klinik long Kaugere na em i donetim wanpela haus long mipela na nau mipela i gat TB na Famili Plening klinik na arapela sik olsem STI/HIV/AIDS i gat aut pesen eria bilong ol yet. Mipela opim na nau mipela wok insait long en.

Mama Lyn na ol wokman, meri bilong Kila Kila na Kaugere Foaskwea klinik i gat bikpela amamas nau, long wanem ol bai i gat haus sik bilong ol yet wantaim tupela dokta wantaim gutpela sapot bilong lokol memba bilong Pot Mosbi Saut, Justin Tkatchenko.





Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Host: Angra Kennedy

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta
2pm - 6pm - Sarere Avinun Cruz

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Leonard Kania Junia bungim ENB

Nicky Bernard i raitim

IS Nu Briten nait bin kamap long wiken long Pot Mosbi na planti ol manmeri bilong dispela provins na ol narapela provins tu bin go amamasim dispela nait.

Leonard Kania Junia, wantaim papa bilong Leonard Kania Sinia wantaim musik brata bilong bin pilai ol musik na singsing bilong long dispela nait.

Pot Mosbi Kantri klab bin pas long ol Tolai manmeri, planti bilong ol bin soim sapat bilong ol long dispela fanraising nait bilong ol ENB.

Junia na Sinia Kania bin autim olgeta hit singsing bilong ol we save pairap long ol radio stesen insait long kantri.

Planti manmeri long dispela nait i no wari long liklik ren bin pundaun, insait long POMCC bin pulap long 7-kilok yet. Taim ol ben bin mekim saun-sek na stre-tim ol pilai samting ol manmeri bin mekim muv bilong pinis long danis ples.

Leonard Kania Junia bin pulim ai bilong planti manmeri husat i no bin lukim singsing laip long stet na pablik, planti bilong ol dispela lain i no bin danis tasol ai bilong i pas tasol long Junia LK.



EMTV Television Guide

FONDE JULAI 25, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:00 AM G TODAY
6:00 AM G CLASSROOM BROADCAST

6:00 PM G EMTV NATIONAL NEWS
7:00 PM G RAIT MUSIK - EP#170
8:00 PM G RESOURCE PNG EP#80
9:00 PM G SOKA XTRA EP#81
9:08 PM G HOT SPOT EP#23
9:30 PM G ELITE MUSIC ZONE EP#24
10:00 PM G NRL FOOTY SHOW
11:30 PM G NEWS REPLAY

FRAIDE JULAI 26, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
09:00 AM CLASSROOM BROADCAST
9:00am Grade 7 Mathematics
9:50am Grade 7 Science
10:40am Grade 8 Mathematics

11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G KIDS KONA
3:30 PM HI 5 - SS EP#19/33
4:00 PM - MAGICAL TALES
4:30PM FOREIGN EXCHANGE #26 (Finale)
5:00 PM G KITCHEN WHIZ EP#32
5:30 PM G LAST MAN STANDING EP#10/24
7:00 PM G IN MORESBY TONIGHT - EP#23
7:30 PM G NRL ROUND 19
WEST TIGERS vs. WARRIORS
9:30 PM G EMTV NEWS REPLAY

SARARE JULAI 27, 2013

4:57 AM G AUSTRALIA NETWORK
6:30 AM G EMTV NEWS REPLAY

7:30 AM G U/GUINNESS WOR/RECORD #31
8:00 AM G YOGA SUTRA Ep#17 Rpt.
8:30 AM G AUSTRALIA NETWORK
9:00 AM G TOTALLY SPIES EP#11 - Repeat
9:30 AM G DANI'S HOUSE EP#11Repeat
10:00 AM G SKILLICIOUS YR.2 EP#3
10:30 AM G TRAPPED EP#11 - Repeat
11:00 AM G LAST MAN STANDING EP#
11:30 AM G AUSTRALIA NETWORK
5:30 PM G OLSEW WANEM Ep#25
6:00 PM G EMTV NATIONAL NEWS
6:30 PM G NRL ROUND 19
8:30 PM G NRL ROUND 19
10:30 PM G EMTV NEWS REPLAY

SANDE JULAI 28, 2013

4:57 AM G AUSTRALIA NETWORK
6:00 AM G EMTV NEWS REPLAY

6:30 AM G IT IS WRITTEN "The Ultimate Space Journey"
7:00 AM G HILLSONG - Ep#858
7:30 AM G JOSEPH KINGAL MINISTRIES
8:00 AM G YOGA SUTRA Ep#18
8:30 AM G BUSINESS PNG# 26 Rpt.
9:00 AM G MARTIN MYSTERY EP#30
9:30 AM G OLSEW WANEM - Ep# 26 Repeat
10:00 AM G RESOURCE PNG - Ep# 80 Repeat
11:00 AM G ITALIAN KHANNA - EP#3 "Italian Bhandar"
11:30 AM G A/THE WORLD IN 85 PLATES
12:00 PM G AUSTRALIA NETWORK
2:00 PM G NRL ROUND 19
PANTHERS vs. KNIGHTS
4:00 PM G NRL ROUND 19
SEA EAGLES vs. TITANS
6:00 PM G EMTV NATIONAL NEWS
6:30 PM PGR PACIFIC WAY S8 - EP#5
7:00 PM G TOK PIKSA EP#27

TORO



BIABIA



KANAGE



TOKWIN

Dai bilong Dairekta LJSS na Presiden bilong Media Kaunsol i karim planti tingting..

Bikpela sore na wari i kamap nau long dai bilong Presiden bilong Media Kaunsol na Dairekta bilong LJSS, Joe Roger Kanekane MBA. Em bin dai long Tabubil taim em i raun i go long hap.

Bikpela belsut na kra i kamap long hauslain bilong dairekta long Rainbow Estet we Joe i lusim femili bilong em long

Mande na go raun long Tabubil. Em bin stap wanwik tasol long hap na bai kam bek long dispela wik Mande, tasol em i pilim sampela pen long bodi bilong em na tokim liklik brata bilong em, Peter Kanekane long karim em i go long hausik na em i dai long hap..Joe em i wanpela fit man na strongpela man long wok na tingting, planti gutpela tingting long kirapim wok na bisnis, long Epril tasol long dispela yia, Joe em i greduet long Yunivesti long Mastas ov Bisnis Edministresen (MBA)..Em i gat bikpela visen long kirapim sampela gutpela ol bisnis tingting na kirapim wok.

Dispela tingting i stap long agenda bilong em long bihain-taim, ol dispela toktok em i bin kamapim taim ol i lonsim Yunivesti MBA Alumnai long dispela yia tasol.. Joe em i masta ov seremoni long dispela nait na em i mekim planti tok kirap long kamapim bisnis. Turangu ol dispela tingting i kat sot tasol long Tabubil we em i mekim wanpela praivet trip long Mande laswik na dai tasol nogat bikpela sik long Sande bipo i laik kambek long Mosbi... Gutbai Brata Joe, Silip malolo!

Bamahuta egu brada! JW Tokwin Tasol...

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU.

Long solvim Sudoku pasel, putim wanpela namba long wan wan bokis na olgeta ro sudem akros, daun, na olgeta liklik 9-pela bokis skwea long bikpela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolom, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolom bai namba 3 i go.

Nambawan sain i stap long namba 8 kolom insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolom.

Yumi ken rausim tu tripela bokis daunbilo tru long namba 9 kolom bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolom.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait — em namba 3 bokis bilong namba 9 kolom.

Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE

	7	9				1
2	3	8			6	7
	6		2	7		
7	8		5			
5	2		6		3	
			1		9	5
		6	3		8	
8	4			9	2	1
2				1	3	

EXAMPLE SOLUTION

8	4	7	9	6	3	5	2	1
1	2	3	8	4	5	6	7	9
5	9	6	1	2	7	4	8	3
9	7	8	3	5	4	1	6	2
4	5	1	2	9	6	7	3	8
6	3	2	7	1	8	9	5	4
7	1	9	6	3	2	8	4	5
3	8	4	5	7	9	2	1	6
2	6	5	4	8	1	3	9	7

Ansa bilong las wik SUDOKU 3

1	8	7	4	6	9	5	3	2
4	2	6	3	5	8	1	7	9
3	5	9	1	7	2	8	6	4
7	3	5	6	9	1	2	4	8
9	4	8	5	2	3	6	1	7
2	6	1	7	8	4	9	5	3
6	7	2	9	4	5	3	8	1
8	1	4	2	3	6	7	9	5
5	9	3	8	1	7	4	2	6

	2		6					8
	8	5	1		7	2		
9		7	2	8		6		
	4			6		5	3	
			5		8			
	6	2		7				8
		6		2	9	1		3
		8	3		6	7	4	
3					1			2

Ansa bilong SUDOKU 4 long neks isu.

EMTV Television Guide

7:30 PM G 60 MINUTES – EP#22	3:30 PM G KIDS KONA	6:30 AM G TODAY	followed by the Australia Network	4:30PM FOREIGN EXCHANGE #24 (Comedy)
8:30 PM PGR SUNDAY NIGHT MOVIE	3:30 PM HI 5 – S5 EP#15/33	9:00 AM CLASSROOM BROADCAST		
10:00 PM G HILLSONG Ep#858 Rpt....	4:00 PM – MAGICAL TALES	9:00am Grade 7 Mathematics	TRINDE JULAI 24, 2013	5:00 PM G TRICKY TV #14
10:30 PM G NATIONAL EMTV NEWS – Replay	4:30PM FOREIGN EXCHANGE #22 (Comedy)	9:50am Grade 7 Science		5:30 PM G SKILLICIOUS S2 – EP#3
.....followed by the Australia Network	5:00 PM G KITCHEN WHIZ Ep#29	10:40am Grade 8 Mathematics		5:57 PM G CRIME STOPPERS
MANDE JULAI 22, 2013	5:30 PM G TOTALLY SPIES EP#11	11:20am Grade 8 Science	4:57 AM G AUSTRALIA NETWORK	6:00 PM G EMTV NATIONAL NEWS
	“Spy Gladiators”	1:00pm Grade 6 Mathematics	JOYCE MEYER	7:00 PM G TBA
4:57 AM G AUSTRALIA NETWORK	CRIME STOPPERS	1:50pm Grade 6 Science	EMTV NEWS REPLAY	8:00 PM G TBA
5:00 AM G JOYCE MEYER	EMTV NATIONAL NEWS	2:30pm DEPI Program	TODAY	10:00 PM G TOK PIKSA Ep#26 – Repeat....
5:30 AM G EMTV NEWS REPLAY	7:00 PM G NRL ROUND 18	3:30 PM G KIDS KONA	CLASSROOM BROADCAST	11:30 PM G NEWS REPLAY.....
6:00 AM G TODAY	COWBOYS vs. SEA EAGLES	3:30 PM HI 5 – S5 EP#17/33	Grade 7 Mathematics	followed by the Australia Network
6:00 AM G CLASSROOM BROADCAST	9:00 PM G COCA-COLA SPORTS SCENE	4:00 PM – MAGICAL TALES	Grade 7 Science	
9:00am Grade 7 Mathematics	9:30 PM G EMTV NEWS REPLAY	4:30PM FOREIGN EXCHANGE #23 (Comedy)	Grade 8 Mathematics	
9:50am Grade 7 Sciencefollowed by the Australia Network	5:00 PM G KITCHEN WHIZ Ep#30	Grade 8 Science	
10:40am Grade 8 Mathematics	TUNDE JULAI 23, 2013	5:30 PM G DANI'S HOUSE YR1 – EP#11	Grade 6 Mathematics	
11:20am Grade 8 Science		6:00 PM G EMTV NATIONAL NEWS	Grade 6 Science	
1:00pm Grade 6 Mathematics	4:57 AM G AUSTRALIA NETWORK	7:00 PM G HAUS & HOME EP#23	1:50pm DEPI Program	
1:50pm Grade 6 Science	5:00 AM G JOYCE MEYER	8:00 PM G BUSINESS PNG – Ep#26	2:30pm KIDS KONA	
2:30pm DEPI Program	5:30 AM G EMTV NEWS REPLAY	8:30 PM PGR BODY OF PROOF Ep#4	3:30 PM HI 5 – S5 EP#18/33	
		9:30 PM G EMTV NEWS REPLAY.....	4:00 PM TBA	

Ol Progam na Kilok i ken senis oltaim...

Wanbel - rot bilong kar tasol bai helpim Rai Kos

Mathew Yakai i raitim

KURUMBUKARI (KBK) insait long Usino Bundi na Basamuk insait long Rai Kos i gat wankain luksave we gavman bilong Madang na PNG i no save givim bikpla sevis i go long tupela distrik taim stat bilong independens i kam tude na ol i save kolim tupela ya bek pes.

Tasol tude, KBK i gat dispela nikel na kobalt we Ramu NiCo i dikim na Basamuk i gat dispela rifaineri we ol i wokim nikel na kobalt. Taim win mani i kam, Madang bai benefit o kisim gutpela samting, na kantri bai benefit.

Tasol pastaim, gavaman bilong PNG i bin lus tingting olsem i gat sampela lain i save stap long KBK na Basamuk.

Basamuk em i wanpela hap bilong Ramu NiCo. Narapela tupela em KBK Main na 135 kilomita paiplain. Basamuk i stap mak long 52 kilomita longwe long Madang taun antap long kunai gras na bikpla bus i stap antap long Fininsta Rens.

Solwara bilong Basamuk i save slip sore antap long planti rif we i nogat planti wesana nambis. Abrusim rif i go daun em dip bilong solwara i mak olsem moa long 2, 000 mita. Basamuk Rifaineri i stap tude ya em i no ples nating. Igat kastom pasin na tumbuna pawa tu ya, we pawa bilong "blek mejik" save winim pawa bilong laitning tu ya.

Maski i gat Luteran Sios i kam stap long hap we Basamuk rifaineri i stap tude long em, tok bilong Baibel i no rausim dispela kastom bilong daunim narapela long pasin kastom. Wanpela asples wok man bilong Ramu NiCo i tok stret olsem ol waitman na misinari i tokim ol asples lain bipo long noken smukim ol dai bodi na putim longpela taim long haus na i mas planim long matmat. Na tu, ol misinari i tokim ol long noken pait na kilim ol yet. Dispela tok em ol i harim.

Tasol ol misinari i no rausim kastom bilong "kambang" o "blek mejik" long daunim narapela na kilim narapela.

"Bipo mipela i save lusim long bekim na kilim ol birua tasol tude mipela ken kilim ol man nabaut. Na tu mipela i save mekim long daunim narapela long kamap bisnis man o meri," dispela wok man bilong Ramu NiCo i toktok.

Man, pawa bilong Rai Kos em i no liklik ya. Planti taim, ol lain bilong mi save tokim long kisim was taim mi go long Rai Kos. Tasol mi save tokim ol olsem ol lain ya gat gutpela pasin na ol naispela ya. Nogat nogut bilong ol bilong wanem kastom bilong ol em i olsem ol wanwan kastom bilong narapla hap bilong kantri na wol. How yu husim em stap long han bilong yu yet.

Tasol, wanpela bikpla samting ol Rai Kos i mas luksave tude em i gat bikpela Rifaineri bilong ol lain Saina nau i stap long ples bilong ol we bai mekim kamap bikpela win mani na kantri wantaim Madang bai benefit. Na Rai Kos? Dispela ansa i stap long han bilong wanwan asples lain.

I gat lusave olsem planti yangpela i kisim wok long Basamuk Rifaineri na mekim liklik potnait mani tasol pasin bilong kastom i stap yet. Ol papa na mama i go long gaden yet, katim bus na wokim gaten, go long solwara na kisim pis na laip em wankain yet.

Tasol i gat sampela liklik senis i kamap na bipo ol man i save tok Rai Kos em bus ples ya em nau nogat. Ol pikinini i go long skul, i gat haus sik, mobail sevis, TV sevis na radio FM tu i kamap long ol haus lain.

Taim mi laik kam long Basamuk las wik, mi ting olsem bai nogat TV long wasim Stet ov Origin. Tasol taim mi kamap, mi bin sindaun wantaim ol wantok na lukim dispela gem we ol Australia i save giamanin yumi tumas.

Insait long rum bilong mi, mi gat sans long lukim TV sanel olsem Alja Zerra, ABC BBC, na ol narapla. Rum tu i gat toilet, sawa rum, bikpela miro, intanet kebel na naispela matres na rum.



1. Basamuk Rifaineri long Rai Kos.
2. Ol man Saina na PNG i pilai basketbol.
3. Bedminton na snuka em gutpela gem bilong rileks bihain long wok.
4. Ol PNG man i lukim Stet ov Origin.
5. Ol lain Saina na PNG i pilai soka long nait.

Man i go pas long lukautim ol rum, Mista Peter Yambo i tok ol dispela rum em bai yu no nap painim wankain long ol narapela nating kampani insait long PNG.

Bihain long mi lukim EM TV, mi wokabaut raun na mi lukim sampela Saina man na PNG man i pilai soka ananit long bikpela lait na luk nais stret.

Long narapla kot em mi lukim sampela Saina man i rausim siot na taitim bun long pilai basketbol. Tuhat ya kilim ol stret! Bihain long 5-pela minit, mi go insait long wanpla haus ol i save pilai bedminton na snuka na man, ol China wantaim PNG man i pilai na amamas i stap.

Wanpela tingting kisim mi areap dispela taim. "Maski ol i gat narapela kain skin kala, tok ples na kalsa, taim yu laik pilai spot em rul bilong em i wankain. Na olgeta man i save long dispela. Dispela i mekim ol man meri long narapela kantri long KBK main na Basamuk Rifaineri i wok bung wantaim, kaikai wantaim, slip wantaim na stap olsem brata na susa stret. Taim mi laik go aut ya nogat mi bungim Nick

Genaiya, wanpla Supavaisa man bilong Komunite Afes (CA) long Basamuk. Nickk em wanpela bipo Kiap na man i gat bikpela luksave long ol kainkain senis we i wok long kamap long kantri bipo na tude.

Mitupela stori long ol kainkain samting olsem politik na tok pilai nambaut na em i tokim mi.

"Pikinini, bipo mi save draipim kar bilong gavaman long Madang i go long Saidor na abrusim i go Gali. Dispela taim em rot i gutpela na gavman sevis i bin go," Nick i tokim mi wantaim bel sori.

Nick i tokim mi olsem Ramu NiCo i wokim ol gutpela wok na senis long luksave bilong gavaman na ananit long MOA na planti luksave i kamap arasait long ol dispela agrimen na tude yumi lukim sampela senis.

Tasol Nick i gat strongpela bilip olsem sapos rot bilong Rai Kos i go olgeta long Gali em orait, bai Rai Kos bai kisim developmen na bai go antap moa. Mi tok "amen" long trupela toktok bilong em na wanbel i stap.

Ol brata long China na kampani bilong ol, MCC-Ramu NiCo bai i go bek bihain long

20-pela krismas taim ol i dikim pinis nikel na kobalt long KBK. Na ol lain Basamuk bai kisim kain ol liklik sevis olsem ol i kisim tete? Gavman wantaim MCC-Ramu NiCo i mas paitim toktok tude long wanem kain wok i bai kamap long Basamuk bihain long 20-pela krismas. Nogut ol Saina go na gavman tu bai ronawe na lusim ol Rai Kos i go bek gen long pasin tumbuna bilong ol.

Tru tru yumi lukim kain pasin bilong gavaman we i save supim nus na maus long wanem hap we i gat ol bikpla projek long kisim mani tasol lus tingting long ol lain we nogat risos long em.

Tingim! Sapos nogat nikel na kobalt bai ol Usino - Bundi na Basamuk bai stap long tudak yet na ino nap kisim ol liklik sevis ol i kisim tete.

Na bihain long 20-pela krismas bai KBK na Basamuk bai olsem wanem? Ol lida man i mas bekim dispela kwesten na stat long kamapim sampela tingting tude. Maski long paul paul yet.

Yu paul stap yet bai kastom bilong yu bai no nap liklik. Em bai winim sais bilong yu tu ya.

Raun wantaim Kanage olgeta wik



Ekting Prea

Kanage i wok wantaim G4S Sekuriti Gad. Kanage i save wok long nait, wanpela nait Kanage i slip na stap taim em i pasim ai na slip, em i harim but bilong supavaisa i pairap long simen na i wokabout i kam long ples we Kanage i slip stap long en. Taim bos i kam sanap pinis long pes bilong Kanage, na Kanage i save pinis olsem em i lukim em i slip i stap. So wan tu Kanage tok, Amen! na bihain em i opim ai na lukluk long supavaisa i ting em mas distepim em long prea na em i tok, sori Kanage mi no save yu prea na stap, nogat mi ting yu slip na klostu mi laik butim yu. Sori tru, gutpela sekuriti! Na Kanage i tok olsem, bos em nomol pasin long laip bilong mi ya. Tasol samting tru Kanage i slip i stap.

Andrew Broun

Kanage spak

Kanage em i wanpela man i save stap long Baiyer riva sait long W.H.P wanpela taim Kanage i lusim ples na i go long ples bilong tambu bilong em. Dispela ples i stap klostu long Hagen taun, taim Kanage i go pinis na em i



lukim sampela mangi i dring teng jus i stap. Na Kanage i ting ol i dring bia na em i tok; plis ol pikinini givim mi wanpela botol tasol na mi dring. Na ol mangi i lukim Kanage na ol i sore nogut tru long em na ol i mekim wanpela 1.5Lita kotena teng jus na givim long Kanage. Taim Kanage i dringim ap tasol na em i rausim siot na su bilong em na i sanap namel long bikrot na i mekim kainkain toktok na i laik kirapim pait. Na ol nam-meri i tok tambu Kanage yu dring wanem kain bia na yu mekim long long pasin? Na tu ol mangi i tokim em olsem; Kanage yu no dring bia, yu dring teng jus ya na olsem yu spak olsem? Kanage i bikmaus na i tok, "Mi bia o teng juses, yupela dring na mi spak em mi sipak pinis na mi sanap long rot em mi sanap pinis, sori tru olsem yupela i tuleit pinis. Tasol Kanage i dring teng jus na i spak."

Kanage i Kapupuk

Kanage em i bilong ples Kwip long

WHP, wanpela sarere em i dring hombru i og tulait na moning em i Sande so Kanage i go Lotu em i go sindaun namel stret long Haus Lotu. Taim pasto i wok long autim tok yet na Kanage em i slip pinis. Tasol pastor i autim tok yet Kanage i ting em i slip long haus bilong em yet na em i apim hap lek bilong em i go antap na em i blowim bikpela Kapupuk na olgeta lain i stap long haus lotu i harim na olgeta i lukluk i go long Kanage. Kanage em yet tu i guria na i opim ai na lukluk. Tasol em i lukim olgeta ai kam long Kanage tasol, na Kanage i kirap tok olsem, hey! lukluk long pastor, mi autim tok long hia na yupela lukluk long mi a? Sem bilong yupela!

Andrew Braun

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: jwilson@wantok.com.pg

Mi gat hevi na mi laikim helpim

Dia Laipain

MI WANPELA mama bilong 4-pela pikinini. Em tripela yia nau taim man bilong mi i lusim mipela long stap long ples bilong em long narapela provins. Mi no harim wanpela tok i kam long em na mi wok long painim hat long lukautim ol pikinini bilong mitupela.

Mi gat bikpela bilip long God na mi putim olgeta hevi na wari bilong mi go long han bilong en na long bekim, God i helpim mi wantaim planti ol hevi bilong mi.

Long liklik taim i go pinis, mi bungim wanpela man husat i sore long sindaun mi stap long en. Long taim mi save long em na bihain long skelim em gut, mi painim olsem mi laikim em tru.

Hevi em, em tu i marit. Dispela man i askim mi long maritim em na long kamap namba tu meri bilong em na we mi bai lukautim pikinini bilong mi na lukautim tu ol pikinini bilong em yet.

Dispela bai wok long em, long lukautim tupela meri na olgeta pikinini? Mi wok long traim long noken lukim em na traim tu long brukim dispela prensip bilong mitupela tasol em laik maritim mi yet.

Mi pundaun long dispela samting na dispela i banisim Kristen laip bilong mi.

Mi Paul Stap.

Dia Pren,

Tenkyu long rait i kam long Laipain. Mipela sore long harim olsem man bilong yu i lusim yu wantaim ol pikinini long go stap long provins bilong em yet.



Yu no harim wanpela tok long em na nau yu pilim yu kirapim laik long narapela man husat i sore long yu na ol pikinini bilong yu.

Dispela man i askim yu long maritim em na bai yu kamap namba tu meri bilong em. Na bai yu lukautim pikinini bilong yu wantaim ol pikinini bilong em tu.

Yu olsem Kristen i pilim olsem dispela kain prensip o marit bai i no nap wok bikos em bai gat tupela meri long lukautim wantaim planti pikinini. Olsem na yu wok long traim long noken lukim em na askim em long pinisim prensip tasol em laikim yu long kamap namba tu meri bilong em.

Yu ting long maritim dispela man yu bai rausim olgeta hevi bilong yu? Yu tingim tu olgeta wok yu bai mekim long lukautim meri bilong em, pikinini bilong tupela na pikinini bilong yu yet?

Mipela i tingim pilings bilong yu olsem yu les long stap yu wan na hevi yu wok long bungim taim yu lukautim pikinini bilong yu.

God i bin gutpela long yu olsem yu yet i tok. Mipela i strongim yu long go long ol felosip bilong ol meri na raun wantaim ol arapela na strongpela Kristen meri. Mipela save olsem gutpela Papa bilong yumi bai i no nap mekim yu sore.

Yu traim long painim aut long ol pren o wantok long we man bilong yu stap? Em bai inap sapos yu ken go long ples bilong em long painim aut yu yet o nogat?

Mipela i strongim yu long go long sios pasto bilong yu na askim long stia taim yu wetim samting yu bai mekim nau.

Mipela laik strongim yu long pre long God long helpim yu long pinis lukim dispela man, na long helpim yu strongim prensip bilong yu wantaim ol sios wok na kisim bel isi wantaim ol Kristen pren.

Mipela i bilip olsem sapos yu stap wan long yu yet moa long ol Kristen pren o long sios, yu bai gat tingting long mekim ol rong disisen.

Baibel i tok insait Romans Septa 8 ves 28, "Na yumi save insait olgeta samting, God i wok long gutpela bilong ol husat i laikim em, husat i kisim singaut long karim aut wok bilong em."

Wok bilong God i gutpela long ol pikinini bilong em taim yumi wokabout bihainim toktok bilong em na olgeta samting i kamap long taim em yet givim (Ecclesiastes Sapt 3 ves 1).

Laipain.

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.
Laipain

NEM: Nick Kwau

KRISMAS: 30 (Man)

ADRES: PO. Box 1349, Wewak, East Sepik Provins
SAVE LAIKIM: Ritim buk, singsing, go Lotu, mekim pren wantaim arapela and trevol.

NEM: Raphael Iwap

KRISMAS: 18 (Man)

ADRES: St. Michael Secondary School, PO. Box Private Mail Bag, Madang Provins
SAVE LAIKIM: Pilai gems, pilaim musik, operetim Kompyuta, wok teknisen, ritim buk, na go long skul

NEM: Vincent Awon

KRISMAS: 30 (man)

ADRES: Kamate Coca Co-operative Society Limited, PO Box 298 Madang Provins
SAVE LAIKIM: Welding, cocoa trenna, menesim bloks, Raising Beans long ekspot, mekim fani, harim musik na painim wanpela meri long maritim na stap wantaim oltaim.

NEM: Junior B. Dadis

KRISMAS: 32 (Man)

ADRES: College of Distant Education, PO Box 2071, Yomba, Madang Provins
SAVE LAIKIM: Go danis, harim reggae musik, lukim CD, tok pilai na go swim

NEM: Jason Elmon

KRISMAS: 19 (Man)

ADRES: Bema High School, PMB Bema, Lae Post Office Morobe Provins
SAVE LAIKIM: Mekim pren, pilai soka, go Lotu, mekim fani na toktok wantaim ol narapela lain.

NEM: Gabriel Bania

KRISMAS: 23 (Man)

ADRES: St. Christopher Primary School Turubu East Coast, C/- Bill Orenge PO Box 466, Wewak ESP
SAVE LAIKIM: Autim tok bilong God, serim toktok ol samting, pilai gspol musik, helpim na mekim wok marimari na go Lotu.

NEM: Jenna Hill

KRISMAS: 35 (Meri)

ADRES: PO Box 90, Adoagyiri, Nsawam Ghana, West Africa - 00233 541705015 e-mel: waysofil@yahoo.com
SAVE LAIKIM: Kantri musik, kukim kaikai, raitim pas na painim wanpela man long maritim

NEM: Rex Yatapsa

KRISMAS: 30 (Man)

ADRES: Wambi DC, PO Box 352, Bulolo Morobee Provins
SAVE LAIKIM: Go Lotu, serim tok bilong God wantaim arapela, stretim hevi bilong ol arapela manmeri, Wok gol na wokim gaden.

NEM: Robert Daniel

KRISMAS: 14 (Man)

ADRES: Kanabea Catholic Mission, PO Box 90, Via Kerema, Gulf Provins
SAVE LAIKIM: Pilai gita, volibol, soka, tats, mekim fani, stori, watsim TV, harim Lotu musik, go skul, tek pat long yut wok, go Lotu na lukautim ol enimal na plans.

NEM: Awaten Kembo

KRISMAS: 20 (man)

ADRES: Bema High School, PMB Lae, Morobe Provins
SAVE LAIKIM: Pilai volibol, vok, basketbol, harim musik, mekim fani, go Lotu, ritim buk na niuspepa na stori wantaim ol poroman-meri.

Longpela lain long Benk bai pinis

OL kastoma bilong benk nau gat gutnius, ol bai nonap moa sanap longpela taim long benklain long mekim benking,

Tresari minister Don Polye i tokaut olsem sanap longpela lain long benk na westim planti taim em nau kamap samting bilong bipo na benk bai mekim isi long kastoma wantaim ilektronik pemen sistem we benk bai kamapim

aninit long nupela bil.

Dispela i kamap isi bihain long palamen long las wik i pasim nupela loa ol kolim Nesanel Peimen Sistem Bil 2013 we ol benk bai kamapim ilektronik Nesanel Pemen Sistem long kantri long mekim benking isi long ol kastoma.

Minista Polye i tok dispela em nupela teknoloji long kantri insait logng 21 Sensari

na long dispela sevis bai lukiim isi na seif long salim na kisim mani na tu em bai kamap kwik taim tru insait long liklik taim tasol we kastomas bai nonap long westim taim olsem ol save sanap long benk lain.

Minista Polye i tok dispela sistem tu bai bainism ol stil pasin long benk na tu bai halivim ol impota isi long mekim klerens wantaim kas-

tom opis na bai isi long rausim kago bilong long wof we nau lukim ol kago kam long ovasis save tekim longpla taim long rausim wof na bil tu save go anatp na ol kastoma save kisim dispela hevi bilong peim moa long kostom na prais bilong kago tu save go antap.

Dispela nupela bil tu bai helpim ol pablik seven

husat save kisim pe long Fainens Dipatmen long ol ken yusim dispela sevis we em isi na bai sevim taim bilong ol long mekim benking na dispela sevis tu bai banisim mani bilong potnait pen a ol arapela trensekse long akaun.

Aninit long dispela bil bai lukim benk bai kamapim bikpela senis long teknoloji long mekim ol kastoma long

yusim ilektronik benking na Mista Polye tok dispela em nupela teknoloji na PNG go insait long moden economy o rot bilong mekim bisnis.

Long dispela sistem bai Benk bilong Papua Niugini na ol komesel benk bai kamapim bikpela senis na em bai wankain olsem benking sevis bilong Australia, Niu Zelen na Singapore.

Grasrut ken sevim mani long Supafan na Nasfan

Stanley Nondol i raitim

PNG grasrut husat i no wok long kampani o gavman dipatmen i ken sevim hatwok mani bilong ol long Nasfan na Nambawan supa long mekim win mani.

Tresari Minista Don Polye i tok klia long dispela bihain long gavman passim tresari bil olsem husat man i no wok long kampani o gavman ken sevim mani long ol long Nasfan o Nambawan supa aninit long Supaanuesen Amenmen Bil 2010.

Dispela minim ol lain salim buai, o salim kopi na salim ol

samting long maket na ol i no mekim potnait wok bai sevim mani na long wanem mani mak ol laikim long en na bai kisim wankain sevis olsem ol lain wok long pablik sevis diptmen na kampani i sevim.

Mista Polye i tok aninit long dispela, ol lain long ovasis tu i ken salim mani kam long sevim long kantri wantaim Nasfsn o Nambawan Supa o ol arapela supaanuesen bodi long kantri.

Mista Polye i tok dispela em gutpela bil we gavman passim na tok bai gta liklik senis kamap long loa we stap pinis long mekim ol grus rut

bilong Papua Niugini mas sevim mani na kisim bikpela sevis long bikpela fainens kampani bilong gavman mekim bisnis long kantri.

Minista Polye i tok gavman nau wok long kampim bikpela senis long loa na tu putim bikplea mani long sapatim liklik bisnis long kantri long helpim groim ekonomi bilong kantri.

Mista Polye i tok moa olsem ol pipel bilong kantri mas mekim kamap pasin o kalsa long sevim mani na lukim mani bilong ol bai grow na ken helpim ol long gutpela sidaun bilong ol na famili long bihain taim.

WESTPAC givim tok lukaut long stil pasin i kamap



Jenerel Menesa bilong Westpac PNG Ashleigh Matheson

wok long kamp moa kleva na painim kainkain rot long stilim mani bilong narapela lain na tok ol kastoma mas lukaut gut long dispela kain pasin.

Mista Matheson i tok Westpac i amamas tru long tokim kastoma olsem benk gat gutpela rot long bainisim mani bilong ol kastoma. Em tok pasin bilong ol kon lain yusim kainkain trik na painim rot bilong stil em go bikpela long wol long dispela taim na tok sapos wanpela kastoma kisim wanpela kol o teks long sampela lian we ol tok ol wok bilong benk.

Moa long en, Mista Matheson i tok ol kastoma bilong intanet benking mas putim bikpela was na tok save olsem benk bai nonap long salim emel na askim long givim benk

akaun infomesen.

Mista Matheson tok Westpac save advaisim kastoma long go long webasit bilong benk o go long brens klostu long yu sapos kastoma i gat askim long bisnis bilong benk.

Mista Matheson tok sapos wanpela kastoma i kisim telepom kol long sampela lain mas askim ol long lusim namba bilong ol wantaim nem bilong ol na kolim ol bihain na go long telepon darekteri na sekim sapos dispela em namaba bilong Westpac benk.

Mista Matheson tok tambu tru long givim akaun infomesen long lain yu no klia na tok sapos wanpela kastoma kisim teks o pon kol mas kolim Westpac kwiktaim long painim aut sapos dispela em kol bilong benk stret o nogat.

2013

HOLY LAND tours

FROM **K 12,080***

PER PERSON TWIN SHARE
MINIMUM GROUP NUMBER-20

2013 DEPARTURE DATES:
8th August / 12th September / 17th October

Call toll free on **180 3444** or contact your nearest Air Niugini Travel Centre or Travel Agent to secure your 'Holy Land' package!

*NB: Price subject to change depending on group size and flight/tour availability. Terms and Conditions apply.



Westpac PNG Team membas i go pas long nominesen bilong WOW Awods. POTO: LYNNETH BOAS Westpac Komyunikesen spesolis.

Bikpela resis bilong 2013 Westpac Meri Awod

WANTAIM nominesen bilong 2013 Westpac Outstanding Meri Awod i op inap long mun Ogas 30, Westpac i singaut long ol meri long PNG long salim nominesen long resisi long kisim bikpela luksave, divelopim wok bilong ol na tu winim planti praises.

Dispela Awod, pastaim i gat nem olsem Westpac Women in Bisnis Awods na nau go long namba 7 yia bilong resis i gat bikpela luksave long wok bilong ol meri long divelopmen bilong Papua Niugini.

Westpac Menesing Darekta Ashleigh Matheson i tok mekim mekim bikpela wok long sapotim lokal komyunitim na mekim gutpela wok long praivet sekta, na long bisnis komyuniti, maski liklik o bikpela wok ol meri mekim long divelopim komyuniti, Westpac gat bikpela luksave na laik promotim go het yet wantaim sampela halivim.

I gat faivpela Awod grup, Steamship Pablik Sekta Awod, Prais Watahaus Praivet Sekta Awod, SP Breweri Awod, Trukai Komyuniti Awod na IBBM Yang Achiva Awod.

Wina bilong dispela 5-pela Awod bai stap long re-

sisi bilong winim taitok bilong 2013 Westpac Women Awod.

Mary Pohei bin winim Komyuniti Awod long 2012 long wok em mekim long helpim ol meri long luksave long strong long wok bilong ol long komyuniti ol stap long en.

Miss Pohei i tok em gat bikpela amamas long Westpac long kamapim kain Awod we gat bikpela luksave long wok bilong ol meri long kantri. Em toke m gat bilip long tupelo samting, namba wan em litresi o rit na rait na namba tu em, Miss Pohei tok olgeta manmeri long kantri mas gat save long mani o fainensel litresi.

Long wankain taim Susil Nelson meri husat bin winim taitol bilong 2012 West a Awod long outstanding long wok bilong em olsem Menesa bilong Korporet Govenens wantaim PNG SDP I tok em gat bikpela bilip long wok wanwan i mekim na long wok wanwan mekim long givim sevis long narapela.

Wina bilong wanwan grup bai kisim, K1000 Brain Bell gift vosa, K500 Supa Velu Stoa gift vausa na K5, 000 edukesen gren.

Meri winim taitol bilong


2013 bai kisim tropi long luksave long gutpela wok na antap long en bai kisim wanpela trip long go stap insait long Australia Eksekutiv Womens Lidasip Miting long Australia long neks yia.

Westpac Menesing Darekta, Ashleigh Matheson i tok dispela awod em mak bilong soim Westpac komitmen long kamapim jenda balens long PNG.

Mista Matheson i tok ol meri save mekim bikpela wok long divelopmen bilong kantri na wanwan de ol mekim bikpela wok na dispela kain program na awod i soim i gat bikpela luksave na amamasim wok bilong ol meri.

Mista Matheson tok, Westpac i kamapim nupela program long givim skul tok na advais long ol meri na tok wina bilong wanwan grup bai kisim bikpela skul tok na advais long long 12-pela mun long strongim skils na save bilong ol long wanem wok ol i mekim stap.

Nominesen fom stap long olgeta bres bilong Westpac benk long kantrina long websait. Olgeta wina bai Westpac tokaut long dina bilong 2013 Westpac Outstanding Women Awod long Pot Mosbi long Trinde 16 Oktoba 2013.





Wantok

Advertise your Business right here!!

We deliver your message right to the remote areas of PNG where others don't go.
Wantok Niuspepa is your medium to communicate your business now.

Niuspepa
Bilong Yumi Ol
PNG Stret!!





Call the Advertising team on,
Ph: 3252500 Fax: 3252579 or
 Email: advertising@wantok.com.pg or
 Website: www.Wantokniuspepa.com



Digicel Rijinel Menesa, John Ward i givim ki bilong Toyota Hi-Lux long Asbishop Douglas Young long Maunt Hagen.

Ela Motos sapatim Bisnis Skil program bilong Digicel

ELA Motos, kampani, i kam gut tru long Fraide 19 Julai, wantaim wanpela Toyota-Hi-Lux ol i donetim i go long Digicel PNG Faundesen wok bilong Laip na Bisnis Skil program long Maunt Hagen.

Donesen bilong Ela Motos i kamap long mak bilong K97,000, na Digicel Faundesen i putim K10,000 antap long dispela.

Dispela Toyota Hi-Lux bai helpim Laip Bisnis Skil program long mekim gut wok bilong famili na seksual vailens long Maunt Hagen.

Laip Bisnis Skil program i karamapim tupela wik bilong trening. Namba wan wik, bai i gat komuniti tok-tok trening, na namba tu wik bai i kag bisnis skil trening na long las de bai ol lain i skul i kisim wanpela setifiket. Dispela program nau i gat nupela we long sut stret long ol ruel fama long lainim gutpela we bilong kamapim agrikalsa bes bisnis long ples.

"Mipela long Ela Motos i gat gutpela wok poroman wantaim Digicel Faundesen long planti yia nau, na

mipela lukim planti gutpela wok i kamap long dispela wok poroman. Long dispela mipela amamas tru," David Lowe, Ela Motos Nesanel Sels Menesa i tok.

Bishop Douglas Young Mt Hagen Catholic Arch Diocese i bin blesim dispela trak na i makim L&BS program long kisim ki bilong nupela Toyota Hi-Lux.

"Mipela bin harim gutpela kamap bilong dispela Laip Bisnis Skil Program long Mosbi na mipela i amamas tru long poroman wantaim Digicel Faundesen long go

pas long dispela trening program long Maunt Hagen. Mipela tenkyu tu long Ela Motos long gutpela pasin bilong ol long donetim dispela trak na em bai helpim tru lek mak bilong dispela wok i go longwe moa," As Bisop Young i tok.

CEO for Digicel Faundesen, Beatrice Mahuru tu i stap na i tok amamas long gutpela pasin bilong Ela Motos long taim bilong rol aut bilong L&BS program long Wulya viles long Mande long Mande 22 Julai, 2013.

"Ela Motos em bin pren wantaim Digicel Faundesen longpela taim nau. Mipela askim Ela Motos long givim diskaun na ol i givim mipela dispela dabol keb Toyota Hi-Laks long sapatim L&BS Program. Ela Motos oltaim i save wanbel long givim diskaun long ol ambulens ka long helpim ol mobail klinik, em i min olsem Digicel i ken yusim ol sevim mani long mekim arapela gutpela wok," Ms Mahuru i tok.

Invesmen bilong Digicel Faundesen insait long Laip

Bisnis Skil em long train long daunim pasin bilong famili na seksual vailens long we bilong komuniti i toktok i go kam long drama.

Dispela long wanem long mun Mas dispela yia, wanpela ogenaisesen, "Ol Dokta nogat wok mak," i bin autim wanpela ripot i tok olsem, 67 pesen meri long Papua Niugini i save bungim hevi long pait na bagarap, tasol long Hailens sampela hap i go antap long 90% em mak i stap antap tru long pasin bilong paitim na bagarapim meri long wol.

Digicel mani trenspe sevis go long planti pipel

MOA long faiv milian pipel stap long ruel ples nau gat bikpela sans tru long yusim mani trenspe sevis we ol komesel benk i provaidim we mekim isi wantaim sevis bilong Digicel net wok.

Digicel PGNG i tokaut olsem planti pipel bilong kantri nau stap insait long network bilong digicel na

bikpela namba bilong ol pipel nau yusim mani trenspe long mobail pon na lukim lokel ekonomi bai groa.

Sigicel tok moa long 80% bilong PNG populesen stap long ruel ples na nid bilong kamapim bisnis long liklik wei long mekim laip bilong ol isi em bikpela samt-

ing na save lain bilong bisnis na ekonomi i gat bikpela bilip olsem ol pipel long PNG mas save long wei na rot bilong mani na tu sevim mani.

Digicel i tok, planti taim gavman na ol memba bilong palamen i tok long helpim ol pipel bilong Papua Niugini long stap insait long

SME o liklik bisnis na givim mani helpim, em i sii na klia olsem dispela bai kamap isi sapos benk sevis i kamap isi tru long olgeta manmeri long ruel ples long yusim.

Digicel i tok, ol kastoma bilong benk nau endelim mani olsem teks mesej na pon kol.

Sigicel i tok em i isis tru

long kastoma bai nonap moa sanap longpela taim long benk na westim taim olsem bipo, em isi tru long ol ken salim na kisim mani long han bilong ol yusim mobail pon, em isi na seif tru.

Digicel i tok em i wok long provaidim planti sevis long yusim mobail benking wan-

taim ol bikpela benk long kantri olsem ANZ, BSP, WESTPACna Nesnen Waid Maikro Benk long mekim mani trenspe na topap.

Dispela sevis i mekim isi long husat gat mobail pon namba wantaim digicel long witro na tu baim ol samting long stoa yusim ATM o EFTPOS masin.

Solwara 1 projek bai no nap bagarapim envairomen: MORI

VAIS Minista bilong Maining na memba bilong Chuava Vera Mori i tok wok manining aninit long solwara bilong Solwara 1 projek we Natalius Maining bai go pas em i moa gutpela long kantri na em bai nonap bagarapim envairomen.

Mista Mori em bikpela

save man bilong wok jioloji i tok dispela sited maining bai nonap bagarapim envairomen long solwara. Em tok disela maining long solwara em i no wankain olsem ol maining antap long graun bilong oil, gas na gol na kopa.

Mista Mori i salensim ol NGO wantaim ol konsalten

bilong ol long go visitim flo bilong bikpela solwara na kamapim sampela tes na lukim klia na bihain go agensim Solwara 1 projek we Natalius Maining laik kamapim long Niu lalan provins.

Memba bilong Chuave long Simbu provins we nogat risos i tok ol pipel

mas andastendim wanem samting bai kamap stret taim maining long solwara i kamap na i noken bilipim ol tokotk agensim projek we kamaut long maus bilong NGO grup wantaim ol konsalten.

Toktok bilong vais minister Mori i kamap long taim stret we Natalius maining

na Nesanel gavman i go het dispela taim wantaim tokotk long developim Solwara 1 projek.

Tokotk long Solwara 1 projek nau wok long kamap long lukim gavman bai kisim equity long sampela pecen % long projek na wok maining bai kirap klostu taim bihain long pro-

jek bin pas taim ol NGO na sampela prsea grup i agensim na tok projek bai bagarapim ples na laip bilong ol pipel.

Mista Mori i tok strong olsem maining long graun na aninit long solwara em i no wankain na tok em i seif na helti long Solwara 1 projek bai kamap.

Wok bilong Pablik-Praivet-Patnasip go strong

Mathew Yakai i raitim

WOK bung namel long gavman na praivet sekta i go strong insait long Madang provins namel long Ramu NiCo na Madang Provinsel Gavman. Madang Provinsel Gavman i amamas long dispela wok patnasip em Pablik-Praivet-Patnasip o PPP we i strongim planti wok bung wantaim Ramu NiCo na provinsel gavman insait long ol planti wok agrikalsa long impek eria bilong Ramu NiCo projek, stat long Kurumbukari long Usino-Bundi go daun long Basamuk long Rai Kos. Edvaisa bilong Laipstok long Madang Provinsel Gavman, Joe Naram, i luksave long dispela wok bung bihain long em i wokim wanpela ron i go long Basamuk Rifaineri long Rai Kos, Madang long Mande long kamapim sampela wok awenes long lukautim kau.

Edvaisa bilong Kaikai Gaden na Agrikalsa, Mary Lilly wantaim ol agrikalsa wok man bilong Ramu NiCo tu i bin stap insait long dispela ron. Ol i bung wantaim ol asples lain bilong Ganglau, Mindre na ol narapela asples klostu long karim aut ol wok awenes long lukautim kau na planim rais.

"Mipela i wok bung wantaim Ramu NiCo-MCC long kamapim bikipela tingting bilong lukautim kau long ol asples," Mista Naram i tok.

Mista Naram i tok long 1985 taim em i stat wok long Sidor na ol asples bilong Rai Kos, em i lukim planti lain i bin lukautim kau tasol i bin

bruk daun bilong wanem gavman i no luksave.

Tasol nau em i tok Nesinel Agrikalsa Progreem Funding i basetim sampela mani mak long K6000,000. we K1000,000 bai go long wanwan distrik insait long Madang provins long kamapim wok agrikalsa.

"Sait bilong lukautim kau bai gat bikipela baset na mipela i laik kirapim tingting bilong pipel long stat kamapim na rerim ol yet long lukautim kau," Mista Naram i tok.

Em i tok pasin bilong sindaun nating na askim tumas long gavman na kampani i mas pinis, na ol pipel i mas traim long wok hat tude na kamapim sindaun bilong ol yet.

"Madang Provinsel Gavman i laik lukim yu wok hat. Stat mekim banis, redim olgeta samting na kam lukim mipela na mipela ken givim kau," em i tok.

Long wankain taim, Mary Lilly, meri i go pas long wok plantim rais i tokim ol asples man meri long stat groim rais bilong ol yet na kaikai, na maski westing ol bikipela mani long rais i kam long narapela kantri.

"Long wanwan yia, gavman bilong yumi i tromoim mak long K600 milian long baim rais bilong wanem, yumi i wok long baim rais yet. Sapos yumi groim rais bilong yumi yet, ating bai yu wanwan bai sevim bikipela mani stret," Mis Lilly i tok.

Em i tok i gat ol bikipela fama insait long Madang provins tude we i growim rais, katim, stretim na salim long ol pipel na ol lain Basamuk long Rai Kos i ken mekim wankain.



Mary Lilly i tokim ol pipel bilong Basamuk olsem ol i ken groim rais taim em i soim wanpela lokel rais paket. Mista Naram i sindaun na harim.

Moa long 30 manmeri i kamapim dispela awenes i tok ol i groim rais pinis tasol planti i save bagarap bilong wanem, i nogat masin long rausim skin na kaikai. Agrikalsa Supavaisa bilong Ramu NiCo, Allan Wahwah i tok tenkyu tru long tupela

bikman meri bilong gavman long kamapim dispela awenes na tok klia olsem wok patnasip aninit long PPP

bai go yet long kamapim ol bikipela kaikai long wok agrikalsa. Ramu NiCo, long bipo i kam

tude, i gat bikipela wok PPP namel long ol narapela ejensi tu olsem CCRI long sait bilong lukautim kakau.



RUREL BENKING: Wanpela wokmeri long Rurel Benking i tok klia long wanpela mama rot we dispela kain benk sevis i wok long en. Kain sevis bai helpim stret ol pipel long ol rurel ples long dispela kantri. *Poto: Frieda Sila Kana*

SUPER CHEAP FRIENDLY LOW FARES

Kimbe	↔	Kokopo	K 199
Lae	↔	Kimbe	K 299
Lae	↔	Madang	K 199
Lae	↔	Popondetta	K 249
Lae	↔	Kokopo	K 329
Lae	↔	Wewak	K 349
Madang	↔	Wewak	K 199
Port Moresby	↔	Daru	K 369
Port Moresby	↔	Alotau	K 269
Port Moresby	↔	Mt. Hagen	K 299
Port Moresby	↔	Lae	K 249
Port Moresby	↔	Losuia	K 349
Port Moresby	↔	Misima	K 349
Port Moresby	↔	Popondetta	K 199
Port Moresby	↔	Wewak	K 349
Port Moresby	↔	Cairns	K 349
Cairns	↔	Port Moresby	AUD 199

PORT MORESBY - Level 1, Pacific Place 321 3400
- Vision City 73734250
MT. HAGEN - Central Highlands Printers 542 0662
- Kagamuga Airport 542 2732
LAE - Micro Bank Haus, Fifth Street 479 5980
POPONDETTA - Top Town (opposite Memorial Park) 629 7638
ALOTAU - Preston White Street 641 1288
GORDKA - Airport 532 2532
TABUBIL - Airport 649 9171
KIJUNGA - Airport 649 1125
MADANG - Global Travel 422 0011
KIMBE - Travel Line Ltd 71742306
RABAUL - Rabaul Hotel 982 1999

Fares are one way and for travel between 1 August and 30 September 2013. Terms and conditions apply. Fares are booked in W Class. Seats are limited and sale ends 6 August 2013.

CALL US ON 72222151 or go to www.apng.com

Airlines PNG

www.apng.com



Ramu NiCo helpim ol Basamuk Famas wantaim nupela kakao neseri

FAIVPELA (5) viles long Basamuk eria long Raikos distrik bai kisim gutpela helpim long sait long gutpela yangpela kakao nogat sik long en em Ramu NiCo i kamapim.

Agrikalsa Seksen bilong Komyuniti Afes Dipatmen bilong Ramu NiCo i go pas long dispela projek wantaim bikipela tingting long senisim ol olupela kakao diwai we sik bilong kakao i ken bagarapim.

Long Me 30, 2013, ol Ramu NiCo fil ekstensen ofisa, Daniel Abuta, Tony Gayu na Aldam Bande i bin hatwok tru long kamapim wanpela nupela neseri long Tugyag viles klostu long Basamuk Rifaineri long redim 2,500 sidlings insait long ol polibeg.

Mista Abuta i tok wankain 4-pela kakao neseri em Ramu NiCo bin kamapim long Kulilau wantaim spes bilong 2,500 sidlings, Mingming wantaim 1250 sidlings, Dein wantaim 2000 sidlings na Dumbal wantaim 2000 sidlings. Olgeta dispela ol sidlings em Kakao Kokonas Institiut (CCI) i redim gut wantaim marasin na nogat sik long en.

Em i tok ol i putim samting olsem 10,250 kakao sidlings pinis long ol polibeg. Bihain long ol i redi gut ol bai kisim ol klon kakao bading stick long Murunas na mekim bading wantaim ol. Dispela ol sid em bilong ol kakao nating tasol ol bading stik em bilong ol klon kakao olsem na ol frut ol i karim bai haibrid o sotpela na kamapim gutpela kwaliti.

Mista Abuta i tok ol dispela neseri bai redi long mun Septemba na sapos olgeta wok i go orait wankain ol nupela kakao bai helpim ol olupela kakao diwai na bai moa klon kakao tu i ken kamap long gaden.

"Ol dispela kakao em nogat sik inap long painim ol na famas bai lukim gutpela prodaksen sapos olgeta wok redi i orait long namba wan taim," Mista Abuta i tok.

Ramu NiCo i wok bung wantaim Dipatmen of Agrikalsa na Laipstok (DAL) husat i saplaim 5,000 na Ramu NiCo yet i baim ol arapela.

Aninit long Pablik-Praivet Pat-nasip Progrem (PPP), DAL, CCI na Ramu NiCo i wok long mekim ol kakao aweanes na trening



1. Ol asples lain long Tugyag i stretim cocoa long neseri
2. Ol famas long Basamuk i kisim awenes toktok long agrikalsa wok.
3. Ol lain Agrikalsa bilong Madang wantaim Allan Wahwah bilong Ramu NiCo.
4. Tony Gayu toktok wantaim ol fama bilong Kulibao
5. Wanpela fama i lukautim cocoa neseri bilong em na Tony Gayu bilong Ramu NiCo i lukim.

namel long ol famas insait long Ramu Projek eria long Madang long sait long kakao menesmen,

stretim gut ol kakao long gaden na tu long rot bilong drain gut na prosesim na salim..

Planti ol famas i amamas na tokaut olsem ol trening ol Ramu NiCo agrikalsa opisa i givim ol i

karim kaikai na ol i stretim gaden kakao bilong ol gut stret na karim gutpela kaikai.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komuniti'



Cook Ailan i soim woa danis bilong ol.



OI Spot Eksen poto long wiken...

OI Poto Nicky Bernard.

Lahanis pilai i traim long brukim banis bilong Vipers. Lahanis i win 24-20



NOK pilaia i makim bal bilong em long Midia Pul Kompetisen.



OI Difens pilai i rausim bal long Mungkas.

- Weekend Sports Draws -

Digicel Cup Round 16

Home	Away	Venue
SUNDAY, 28 JULY		
Bintangor Lahanis	vs. Snax Tigers	Goroka
SNS Vipers	vs. Gulf Isapea	Port Moresby
Wamp Nga Eagles	vs. Enga Mioks	Mt Hagen
Agmark Gurias	vs. Hela Wigmen	Kokopo
Mendi Muruks	vs. TNA Lions	Mendi

RESULTS

Vipers 20 Lahanis 24,
Eagles 8 Gurias 62,
Mioks 24 Isapea 16,
Lions 27 Wigmen 18,
Muruks 37 Tigers 20

LADDER

	P	W	D	L	F	A	Pts
Lahanis	15	10	1	4	280	248	21
Gurias	15	10	0	5	405	218	20
Vipers	15	9	0	6	338	256	18
Tigers	15	8	2	5	282	241	18
Mioks	15	9	0	6	348	199	18
Wigmen	15	6	2	7	263	293	14
Lions	15	7	0	8	241	370	14
Muruks	15	3	3	9	232	281	9
Isapea	15	4	1	10	290	352	9
Eagles	15	4	1	10	210	391	9

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



SPOTS DRO RAUN 20

Fraide: Julai 26, 2013

Townsville Stadium



Cowboys V^s Broncos



ANZ Stadium

Bulldogs V^s Eels



Sarare: Julai 27, 2013



WIN Stadium

Dragons V^s Raiders



Skilled Park

Titans V^s Rabbitohs



Sande: Julai 28, 2013



Mt Smart Stadium

Warriors V^s Storm



Toyota Stadium

Sharks V^s Panthers



Hunter Stadium

Knights V^s Roosters



Mande: Julai 29, 2013



Campbelltown Stadium

W/Tigers V^s S/Eagles



Raun 19 Poin Leda

Pos	Tim	W	B	L	D	Pts
1.	Rabbitohs	14	2	2		32
2.	Roosters	13	2	4	0	30
3.	Storm	11	2	5	1	27
4.	Sea Eagles	10	1	6	1	25
5.	Knights	9	2	8		22
6.	Bulldogs	8	2	8		22
7.	Sharks	8	2	8		22
8.	Raiders	8	2	8		22
9.	Panthers	8	2	9		20
10.	Titans	8	2	9		20
11.	Warriors	8	1	9		18
12.	Broncos	6	2	10		16
13.	Cowboys	6	1	10		14
14.	Dragons	6	1	11		14
15.	Tigers	6	1	11		14
16.	Eels	3	2	14		10

Inu redi long paia bihain long saspensen

SENTA bilong Canterbury Bulldogs, Krisnan Inu, i no wari tumas long tupela taim em i sindaun long sailtain dispela yia, tasol em i tok, i sutim tru bel bilong en long pilai.

Ol i givim Inu faivpela gem malolo mekimsave long spia takol we i lukim fulbek bilong Saut Sidni, Greg Inglis i pondaun long het bilong en long lta Fraide gem we Rabbitohs i winim 17-12.

Kambek bilong en agensim Newcastle long Me i lukim em i asua gen taim em i kisim mekimsave long suvim lek long het bilong Knights winga, James McManus. Em i kisim tupela wik saspensen long dispela.

Inu yet i tok em i no wari o laik bekim ol dispela hevi, na em i no minim long mekim ol dispela samting.

"Mi wok long holim lek bilong en tasol, na mi kirap

nogut taim Inglis i pondaun long het bilong en. Mi no traim long mekim dispela, em i wanpela kain takol olsem tasol," Inu i tok asde.

"Mi no tingting planti long en inap mi lukim riplei bilong en. Em nau mi lukim olsem mi asua pinis, na mi sekanim em na tok sori.

"Mi no minim, tasol mi save olsem bai mi kisim bikipela mekimsave. Em samting bilong gem, na mi no komplem long en, tasol sapos yu asua tru, yu mas kisim dispela kain mekim-save."

Dispela wik Inu bai bungim bipo klab bilong en, Parramatta long Fraide. Na maski em i save pas gut yet wantaim tupela strongman bilong ol, Tim Mannah, na Jarryd Hayne, em bai no inap givim sans long ol.

"Yu noken pilim sore long wanem tim. Yu laik go aut na pilai long winim gem," em i tok.



KRISNAN Inu

Broncos i nidim Smith: Tallis

BIPO Brisbane Broncos biknem, Gordon Tallis, i tok ol Broncos i mas strong long traim kisim Cameron Smith.

Gordon Tallis i strongim tingting bilong planti ol arapela Broncos biknem husat i wok long singaut long Broncos long brukim benk akaun na kisim Cameron Smith long strongim bek nem bilong klab olsem wanpela NRL supa pawa.

Sampela de bihain long Darren Lockyer i bin tok Smith i mas namba wan rikrutmen taget bilong klab, Tallis i tok Broncos i lusim nem we i ken pulim ol rikrut.

Bihain long klab i bin abrus long sainim Greg Inglis, ol i no rikrutim moa pilai.

Tallis i toktok strong long klab i no bin inap long kisim tripela biknem pilai bilong Kwinslen, Johnathan Thurston, Cooper Cronk, o Daly Cherry-Evans. Olgeta tripela i bin stap fri long las 18 mun.

Broncos i no moa strong na sindaun long namba 12 posisen.

Dispela Fraide bai ol i pilai Not Kwinslen Cowboys.

Cowbosy tu i wok long bungim hevi, na i luk olsem



CAMERON Smith

nogat Kwinslen tim bai stap insait long fainals.

Tallis i bin pulim planti ol yangpela pilai i go long Broncos. Em yet i tok olsem

em i bin lusim St George na go long Broncos long pilai olsem Allan Langer, Kevin Walters na Steve Renouf.

Em i tok Sam Thaiday na Justin Hodges i stap yet, tasol i nogat ol arapela husat ol yangpela bai laik go pilai wantaim.

PNL's Information & Music Leader

FRIDAY 26 JULY

7:45PM
ANZ STADIUM

SATURDAY 27 JULY

5.30PM
WIN STADIUM

SUNDAY 28 JULY

2PM
REMONDIS STADIUM

LIVE GAME CALLS

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NUC 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUK 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

GG sainim kontrak

GAVANA Jenerel Sir Michael Ogio i sanim foa-pela kontrak bilong 2013 Saut Pasifik Gem we bai kam long Papua Niugini long tupela yia i kam.

Dispela ol kontrak em long ples bilong slip long Yunivesiti bilong PNG namba tu pes em Curtain Bros bai wokim na namba tri pes China Railway Engineering bai wokim, Tau-rama Aquatic Senta straksa em Ferrum Engineering bai wokim na mein bilding Fletcher Morobe bai wokim.

Dispela 4-pela kontrak Gavana Jenerel bin sainim long tok orait long ol wok mas kirap hariap na pinis long taim stret bilong pilai bai stat.

Total mani bilong olgeta dispela kontrak wok em long K434,708,896.15 we gavman na Pasifik Gems givim long mekim wok.

Minista bilong Saut Pasifik Gems na Ivens i tok tenkyu long Prait Minista na NEC long givim olgeta taim bilong

ol long stretim ol ples bilong dispela bikpela pilai.

Em tok gavman i stap bek-sait long kamapim gutpela samting bilong spot, na em askim wanwan binis haus tu long sapotim gavman long kamapim gutpela wok long soim ol narapela Pasifik Ailan olsem yumi inap long holim pasifik gems na ol narapela bikpela ivens long kantri bilong yumi.

Siaman na man husat i go

pas long lukautim wok kamap bilong ol ples bilong pilai, Andrew Potter i tok, "Yumi gat tupela yia tasol i stap long kamapim olgeta wok, na dispela saining bilong Gavana Jenerel i kamap long rait taim stret we mi save ol kontrak lain bai pinisim wok long taim stret.

Em tok tu olsem ol etlit mas redi long dispela tupela long wanem pilai bai kam yet long kantri bilong yumi PNG.



Ol Nesenel Federesen bai lukluk long ol spots long ples

PLANTI taim, ol nesenel federesen i save tromoi bikpela mani na risos i go long ol elit o top spotsmanmeri, na ol i wok long abrusim ol grasruts spots long kantri.

Kain plenim wok bilong gavman, em long lukluk moa long botom-ap plening, we ol ples long kantri i kamap namba wan hap bilong wanem kain developmen.

Watpo na ol ples i mas kamap namba wan ples bilong kisim luksave long olgeta kain developmen?

Bekim bilong dispela askim, em bikos bikpela hap bilong ol manmeri bilong yumi, i stap long ples, na i no long ol taun na siti. Wanem kain developmen i mas kamap long ples pastaim.

Spots developmen em i wankain tasol. Dispela kain developmen i mas kamap long wokbung bilong olgeta bikpela stekholda na i no wanpela man o meri tasol.

Long dispela stori kona bilong mi, mi givim bikpela moa luksave long ol nesenel federesen, bikos:

- Ol i gat teknikal save bilong spot bi long ol. Ol i save long ol rul, skills na we bilong ronim ol spot bilong ol;
- Ol i gat ol risos long go aut na halivim ol pipel long ples level wantaim kain spot ol i pilaim. Olsem, sapos ol i save pilai soka, orait, ol soka teknikal man meri mas go aut na karimaut ol trening program;
- Spots i gat koporet sapot bilong halivim na karim ol program bilong ol i go aut. Sampela taim, politikal sapot i save kam insait long halivim ol trening program i go aut;
- Ol ples i ken soim ol spots talent i hait i stap. I gat ol manmeri i wok painim ol dispela kain lain. Olsem na em i gutpela rot bilong skaut na painim ol nupela spotmanmeri;
- Ol nesenel federesen i ken halivim long stretim ol komyuniti hevi long ples taim ol i strongim ol spots na trening program ol i givim; na
- Ol i ken givim ol gutpela, strongpela veliu bilong spot bilong halivim na kamapim ol gutpela manmeri bilong komyuniti long ples.

Ol dispela astingting antap i tok klia watpo ol federesen i mas lukluk moa long viles spot developmen, na i no long wanwan ol top spotsmanmeri bilong yumi tasol, husat i gat planti ol risos i kam long gavman na ol bisnis.

Ol nesenel federesen i ken strong olsem ol i gat atoriti o pawa long wok-strongim ol top spotmanmeri. Tasol stap bilong ol olsem federesen, i no long lukluk long ol top spotmanmeri long redi long ol ovasis spots bung. Ol intanesenel gem i save kamap wanwan taim tasol. Olsem na yumi mas askim, olsem wanem long ol arapela taim we ol i stap nating?

Mi no save lukim wanpela nesenel federesen i go daun long viles level long karimaut ol trening program bilong ol ples manmeri. Ol i save lukim ol long taim bilong ol nesenel spots pilai olsem ol enual nesenel sempionsip.

Dispela em i turangu sindaun tru, taim o spots long ol ples i wok long abrus, na ol manmeri husat i save sore long ol tasol, i save givim halivim long ol manmeri long ples.

Mi salim strongpela askim i go long ol nesenel federesen long senisim luksave long developim ol koud bilong ol long ol ples long kantri. Mi save olsem dispela bai mekim kamap bikpela senis.

Goroka Lahanis kam bihain na win

Nicky Bernard i raitim

GOROKA Lahanis husat i stap bihain long hap taim i kam bek na winim Stop N Shop Vipers 24-20 long ful taim.

Vipers i soim olgeta kala bilong ol long namba wan hap bilong pilai, ol bikpela fowod bilong ol i brukim banis bilong Lahanis klostu klostu na dispela mekim ol putim tripela trai long namba wan hap we Lahanis hat long kam bek long bekim. Vipers go malolo wantaim skoa 20-0.

Lahanis i pasim ting long kam strong long namba tu hap we ol mekim ol Vipers i paul long pilai, maski Vipers i gat planti Kumuls long tim bilong ol tasol Lahanis i kamapim pilai long tromoi bal we ol putim namba wan hap long 5-pela minit long taim pilai i stat long namba tu hap.

Vipers i mekim planti asua long lusim ol bal long takol, dispela i givim olgeta sans long Lahanis long pait bek na skoa. Olgeta trai bilong Lahanis i kamap long mistakol na mistek bilong Vipers.

Goroka Lahanis bin kisim gutpela sans long ol dispela

mistek bilong Vipers na taim Lahanis holim ol dispela bal ol kamapim ol gutpela pilai stret we Viper i wik long wanem hap kona ol tromoi bal go na pinis wantaim trai.

Viper i painim hat tru long brukim banis bilong Lahanis long go skoa, Lahanis i holim ol inap klostu long pilai pinis na Lahanis kam skoa long pinisim skoa lain wantaim 24-20 long ful taim

Viper bin skoa long namba wan hap na i no bin skoa long namba tu hap, Lahanis i no skoa long namba wan hap tasol kam bihain long skoa long namba tu hap na

ol winim dispela pilai long Pot Mosbi

Lahanis nau i go pas long leda bilong kompetisen na dispela wiken ol bai pilaim Lae Tigers long Goroka na dispela bai wanpela strongpela pilai. Vipers bai kisim Isapea long Pot Mosbi we tupela hom tim yet bai soim strong.

Ol narapela pilai bai kam long raun 16 em Eagles bai kisim Mioks long Mt Hagen, Gurias bai kisim Wigmen long Kokopo na Muruks bai kisim Lions long Mendi, dispela gem bai stap long askim.



CPL strongim Vipers

Nicky Bernard i raitim

CITY Pharmacy wantaim supa maket long em, Stop N Shop, na ol narapela sponso olsem NCDC, Trukai, Credit Corporation na Coca Cola i strongim Vipers long Digicel Kap resis.

Long wik i go pinis olgeta dispela sponso i kam bung wantaim long strongim ol

Vipers pilaia long sapot bilong ol long mekim olsem Viper i ken go insait long fainol.

Eksekutiv Dairekta bilong CPL Grup Sudhir Guru, i makim maus bilong ol CPL na tok tenkyu long ol narapela sponso na welkamim sampela nupela sponso olsem Corp Security, Huala Hire na Hugo Canning long kam insait long sapotim tim bilong Pot Mosbi.

Em tok Stop N Shop i sponsaim Vipers long tripela yia ol

geta na dispela tim i wok long go strong na strong moa yet. "Planti bilong ol dispela pilaia save stap long Mosbi na ol bilong kainkain provins insait long kantri na ol save bung wantaim na pilai long karim nem bilong bilong bikpela siti bilong yumi," Guru i tok.

Guru i tok long lukautim wanpela tim long dispela kain ragbi pilai em save kos bikpela tru olsem K800 tausen na em tok tenkyu long ol nara-

pela sponso long kam insait long helpim.

Vipers tim nau i senis, planti taim ol save go long ol komyuniti na mekim liklik awenes na klinim siti nambis long mekim ol manmeri na pikinini long siti long amamas long stap o pilai.

Mista Guru i tok tenkyu tu long CPL Siaman Mahesh Patel na ol menismen long sapot bilong ol long tripela yia nau.



Moa oil na meat insait

Difens daunim Mungkas

Nicky Bernard i raitim

POT Mosbi Soka Asosiesen (PMSA) i kam laip long Sande taim Difens na Mungkas i kisim pilai graun, tupela tim wantaim i pilai isi long namba wan hap long gutpela kol avinun long Bisini Soka graun.

Mungkas i wok long yusim ol spit man bilong long fran long traime long skoa hariap tasol ol beks bilong Difens i katim ol taim bal i pas long lek bilong ol.

Kepten bilong Mungkas Andrew Marapau, i lidim ol bois bilong em long namel long traime long putim tru bal tasol nogat go pinis bilong bal bilong ol.

Difens i kisim sans bilong ol

long skoa na mekim ol Mungkas i slek liklik long namel na dispela givim ol Difens moa strong long atek. Ol yusim ol spit man bilong ol long wing long kisim gutpela ol kros kam bek insait long mak bilong ol Mungkas.

Dispela pilai bilong ol Difens i stap wankain inap ol pinisim pilai wantaim win bilong long ol. Difens skoa 2 na ol Mungkas 0.

Long dispela wiken bai planti strongpela pilai kam long Bisini Soka we ol biknem pilai bai traime long mekim nem bilong ol gen. Sampela bilong ol bin raun go daun long Australia long lukim pilai namel Manchester United na All Stars pilai we Manchester win 5-1





PMV

DIESEL OIL



BOROKO MOTORS

PORT MORESBY	☎ 325 5255
LAE	☎ 472 1144
MT HAGEN	☎ 542 1933
TABUBIL	☎ 649 9048
KIMBE	☎ 983 5035
MADANG	☎ 422 2659
KOKOPO	☎ 982 8193
GOROKA	☎ 532 3552

Email: info@borokomotors.com.pg
Website: www.boroko-motors.com

PMV OIL BILONG YUMI